

詞選

續詞選

重刻詞選序

嘉慶二年余與先兄皋文先生同館歙金氏金氏諸生好填詞先兄以爲詞雖小道失其傳且數百年自宋之亡而正聲絕元之末而規矩壞窶竈不闢門戶卒迷乃與余校錄唐宋詞四十四家凡一百十六首爲二卷以示金生金生刊之而歙鄭君善長復錄同人詞九家爲一卷附刊于後版存于歙同志之乞是刻者踵相接無以應之乃校而重刊焉嗚呼憶余同先兄選此詞迄今已三十四年而先兄沒已二十九年矣當時之樂豈復可得今日之悲其何能已是選先兄手定者居多今故列先兄名而余序之云爾道光十年夏四月十有一日張琦序

詞選目錄叙

李太白一首 游飛卿十八首 無名氏一首

右唐詞三家二十首

南唐中主四首 後主七首 韋端己四首 牛松卿三首

牛希濟一首 歐陽炯一首 鹿虔辰一首 馮正中五首

首

右五代詞八家二十六首

宋徽宗一首 晏同叔一首 范希文一首 晏叔原一首

韓玉汝一首 歐陽永叔二首 張子野三首 蘇子瞻

四首 秦少游十首 賀方回一首 趙德麟一首 張芸

叟一首 王元澤一首 周美成四首 田不伐二首 陳

子高二首 李玉一首 謝任伯一首 朱希真五首 辛幼安六首 張安國一首 韓无咎一首 李知幾一首
姜堯章三首 尹惟曉一首 史邦卿一首 王聖與四首
張叔夏一首 黃德文一首 吳彥高一首 李易安四首
鄭文妻孫氏一首 無名氏一首

右宋詞三十三家六十八首

凡詞四十四家一百十六首

叙曰詞者蓋出于唐之詩人採樂府之音以制新律因繫其詞故曰詞傳曰意內而言外謂之詞其緣情造端興于微言以相感動極命風謠里巷男女哀樂以道賢人君子幽約怨悱不能自言之情低徊要眇以喻其致蓋詩之比興變風之

義騷人之歌則近之矣然以其文小其聲哀放者爲之或跌
蕩靡麗雜以昌狂俳優然要其至者莫不惻隱盱眙感物而
發觸類條鬯各有所歸非苟爲雕琢曼辭而已自唐之詞人
李白爲首其後韋應物王建韓翃白居易劉禹錫皇甫澈司
空圖韓偓並有述造而溫庭筠最高其言深美閥約五代之
際孟氏李氏君臣爲謠競作新調詞之雜流由此起矣至其
工者往往絕倫亦如齊梁五言依託魏晉近古然也宋之詞
家號爲極盛然張先蘇軾秦觀周邦彥辛棄疾姜夔王沂孫
張炎淵淵乎文有其質焉其盪而不反傲而不理枝而不物
柳永黃庭堅劉過吳文英之倫亦各引一端以取重于當世
而前數子者又不免有一時放浪通脫之言出于其間後進

彌以馳逐不務原其指意破析乖刺壞亂而不可紀故自宋之亡而正聲絕元之末而規矩隳以至于今四百餘年作者十數諒其所是互有繁變皆可謂安蔽乖方迷不知門戶者也今第錄此篇都爲二卷義有幽隱並爲指發幾以塞其下流導其淵源無使風雅之士懲于鄙俗之音不敢與詩賦之流同類而風誦之也嘉慶二年八月武進張惠言

詞選卷一

張惠言錄

李太白

白

菩薩蠻

平林漠漠烟如織寒山一帶傷心碧暝色入高樓有人樓上愁玉階空竚立宿鳥歸飛急何處是歸程長亭更短亭

溫飛卿

庭筠

菩薩蠻

小山重疊金明滅鬢雲欲度香腮雪懶起畫蛾眉弄粧梳洗遲照花前後鏡花面交相映新貼繡羅襦雙雙金鷓鴣

此感

士不遇也篇法彷彿長門賦而用節節逆敘此章從夢曉後領起懶二字含後文情事照花四句離發初服之意

水精簾裏頗梨枕暖香惹夢鴛鴦錦江上柳如烟雁飛殘月

天藕絲秋色淺人勝參差剪雙鬢隔香紅玉釵頭上風

夢字

提江上以下翠釵夢境人勝參差玉釵香隔言夢亦不得到也江上柳如烟是關絡

藥黃無限當山額宿粧隱笑紗窓隔相見牡丹時暫來還別離翠釵金作股釵上雙蝶舞心事竟誰知月明花滿枝

提字

以下三章本入夢之情

翠翹金縷雙鸕鷀水紋細起春池碧池上海棠梨雨晴紅滿枝繡衫遮笑靨烟草粘飛蝶青瑣對芳菲玉關音信稀

杏花含露圃香雪綠楊陌上多離別燈在月牕明覺來聞曉玉鈞褰翠幙粧淺舊眉薄春夢正關情鏡中蟬鬢輕結玉樓明月長相憶柳絲裊娜春無力門外草萋萋送君聞馬

嘶

畫羅金翡翠香燭消成淚花落子規啼綠窓殘夢迷

玉

明月長相憶又提柳絲裊娜送君之時故江上柳如烟夢中情境亦爾七章闋外垂絲柳八章綠楊滿院九章楊柳色依依十章楊柳又如絲皆本此柳絲裊娜言之明相憶之久也

鳳皇相對盤金縷牡丹一夜經微雨明鏡照新粧
雙臉長畫樓相望久闌外垂絲柳音信不歸來社前雙燕回

牡丹花謝鶯聲歇綠楊滿院中庭月相憶夢難成背窓燈半

明

翠鈿金壓臉寂寥香閨掩人遠淚闌干燕飛春又殘

相憶

夢難成正是
發夢迷清事

滿宮明月梨花白故人萬里關山隔金雁一雙飛淚痕沾繡

衣小園芳草綠家住越溪曲楊柳色依依燕歸君不歸

寶函銅雀金鸂鶒沈香閣上吳山碧楊柳又如絲驛橋春雨

時 畫樓音信斷芳草江南岸鸞鏡與花枝此情誰得知

鏡

二句結與心事竟誰知相應

南園滿地堆輕絮愁聞一霎清明雨雨後却斜陽杏花零落香無言勾睡臉枕上屏山掩時節欲黃昏無慘獨倚門

下

乃叙夢此

章言黃昏

夜來皓月纔當午重簾悄悄無人語深處麝煤長臥時畱薄粧當年還自惜往事那堪憶花落月明殘錦衾知曉寒

自此

臥時至曉所謂相憶夢難成也

雨晴夜台玲瓏日萬枝香裊紅絲拂閒夢憶金掌滿庭苔草長繡簾垂翠縠眉黛遠山綠春水渡溪橋凭闌魂欲銷

此

正寫夢垂簾凭闌皆夢中情事正應人勝參差三句

竹風輕動庭除冷。珠簾月上玲瓏影。山枕隱濃粧。綠檀金鳳

皇。兩蛾愁黛淺。故國吳宮遠。春恨正關情。畫樓殘點聲。此言

夢醒春恨正關情與五章春夢正關情相對雙鎖青瑣金堂故國吳宮畧露寓意

更漏子

柳絲長。春雨細。花外漏聲迢遞。驚塞鴈起城烏。畫屏金鷗鵠。

香霧薄透簾幙。惆悵謝家池閣。紅燭背繡簾。垂夢長。君不

知。此三首亦菩薩蠻之意

驚塞鴈三句言懼戚不同興下夢長君不知也

星斗稀。鐘鼓歇。簾外曉鶯殘月。蘭露重。柳風斜。滿庭堆落花。虛閣上。倚闌望。還是去年惆悵春欲暮。思無窮。舊歡如夢。

中蘭露重三句與塞鴈城烏義同

玉爐香。紅蠟淚偏照畫堂秋。思眉翠薄。鬢雲殘夜長。衾枕寒。

梧桐樹三更雨不道離愁正苦一葉葉一聲聲空階滴到明。

○夢江南

梳洗罷獨倚望江樓過盡千帆皆不是斜暉脈脈水悠悠腸斷白蘋洲。

無名氏

○後庭宴

千里故鄉十年華屋亂魂飛過屏山簇眼重眉褪不勝春衰花知我銷香玉雙雙燕子歸來應解笑人幽獨斷歌零舞遺恨清江曲萬樹綠低迷一庭紅撲簌。

南唐中主

浣溪沙

風壓輕雲貼水飛。乍晴池館燕爭泥。沈郎多病不勝衣。
沙上未聞鴻鴈信。竹間時有鷓鴣啼。此情唯有落花知。

一曲新詞酒一盃。去年天氣舊亭臺。夕陽西下幾時回。無
可奈何花落去。似曾相識燕歸來。小園香徑獨徘徊。

山花子

菡萏香銷翠葉殘。西風愁起綠波閒。遠與韶光共憔悴不堪。
看細雨夢回鷄塞遠。小樓吹徹玉笙寒。多少淚珠何限恨
倚闌干。

手卷真珠上玉鉤。依前春恨鎖重樓。風裏落花誰是主。思悠悠。
青鳥不傳雲外信。丁香空結雨中愁。回首滌波三峽暮。

接天流

後主

臨江仙

櫻桃落盡春歸去。蝶翻輕粉雙飛子。規啼月小樓西。玉釣羅幕。惆悵暮烟垂。別巷寂寥人散後。望殘烟草低迷。爐香閒裊鳳凰兒。空持羅帶回首恨依依。

○虞美人

春花秋月何時了。往事知多少。小樓昨夜又東風。故國不堪回首。月明中。雕闌玉砌應猶在。只是朱顏改。問君能有幾多愁。恰似一江春水向東流。

○○浪淘沙

簾外雨潺潺。春意闌。羅衾不耐。五更寒。夢裏不知身是客。
一晌貪歡。獨自莫憑闌。無限江山別。時容易見時難。流水落花歸去也。天上人間。

往事只堪哀。對景難排。秋風庭院。蘚侵階。一桁珠簾閒不卷。
終日誰來。金劍已沈埋。壯氣蒿萊。晚涼天靜月華開。想得玉樓瑤殿影空照秦淮。

清平樂

別來春半。觸目愁腸斷。砌下落梅如雪亂。拂了一身還滿。
鴈來音信無憑。路遙歸夢難成。離恨恰如春草。更行更遠還生。

○○○
相見歡

林花謝了春紅太匆匆無奈朝來寒雨晚來風胭脂淚相
留醉幾時重自是人生長恨水長東

無言獨上西樓月如鈞寂寞梧桐深院鎖清秋剪不斷理
還亂是離愁別是一般滋味在心頭

韋端已

莊

菩薩蠻

紅樓別夜堪惆悵香燈半捲流蘇帳殘月出門時美人和淚
辭琵琶金翠羽絃上黃鸝語勸我早歸家綠憲人似花此詞

蓋留蜀後寄意之作一章
言奉使之志本欲速歸

人人盡說江南好遊人只合江南老春水碧于天畫船聽雨
眠鑪邊人似月皓腕凝霜雪未老莫還鄉還鄉須斷腸此章

述蜀人勸留之辭卽下章云滿樓紅袖招也

江南卽指蜀中原沸亂故曰還鄉須斷腸

如今却憶江南樂。當時年少春衫薄。騎馬倚斜橋。滿樓紅袖招。翠屏金屈曲。醉入花叢宿。此度見花枝。白頭誓不歸。上未老莫還鄉猶冀老而還鄉也其後朱溫篡成中原愈亂遂決勦進之志故曰如今却憶江南樂又曰白頭誓不歸則此詞之作其在

相蜀時乎

洛陽城裏春光好。洛陽才子他鄉老。柳暗魏王堤。此時心轉迷。桃花春水湊水上。鴛鴦浴癡恨。對斜暉憶君君不知。此章

致思唐之意

牛松卿

曉

菩薩蠻

花間集七首詞意頗雜蓋非一時之作詞綜刪存二首章法絕妙

舞帶香暖金泥鳳畫梁。語燕驚殘夢。門外柳花飛。玉郎猶未

歸

愁勻紅粉淚。眉剪春山翠。何處是遼陽。錦屏春晝長。

綠雲鬢上飛。金雀愁眉斂。翠春烟薄。香閨掩。夫容畫屏山。幾

重。憲寒天欲曙。猶結同心苣。啼粉涴羅衣。問郎何日歸。

驚殘

夢一點以下純是夢境
章法似西洲曲

○西溪子

捍撥雙盤金鳳蟬。鬢玉釵。搖動畫堂前。人不語。絃解語。彈到昭君怨處。翠蛾愁不擡頭。

牛希濟

○生查子

春山烟欲收。天淡稀星少。殘月臉明別。淚臨清曉。語已多情未了。回首猶重道。記得綠羅裙處。憐芳草。

歐陽炯

三字令

春欲盡。日遲遲。牡丹時。羅幌卷。翠簾垂。彩牋書紅粉淚。兩心知。人不在。燕空歸。負佳期。香爐落枕函。欹月分明花淡薄。惹相思。

鹿虔辰

臨江仙

金鎖重門荒苑靜。綺窗愁對秋空翠。華一去寂無蹤。玉樓歌吹聲斷已隨風。烟月不知人事改。夜闌還照深宮。藕花相向野塘中。暗傷亡國清露泣。香紅。

馮正中

延巳

蝶戀花

六曲闌干偎碧樹。楊柳風輕展盡黃金縷。誰把鉗爭移玉柱。
穿簾燕子雙飛去。滿眼游絲兼落絮。紅杏開時一霎清明。
雨濃睡覺來驚亂。語驚殘好夢無尋處。

莫道閒情拋棄久。每到春來惆悵還依舊。日日花前常病酒。
不辭鏡裏朱顏瘦。河畔青蕪堤上柳。爲問新愁何事。年年
有獨立小橋風滿袖。平林新月人歸後。

幾日行雲何處去。忘却歸來不道。春將暮。百草千花寒食路。
香車繫在誰家樹。淚眼倚樓頻獨語。雙燕來時陌上相逢。

否掩亂春愁如柳絮。依依夢裏無尋處。三詞忠愛纏綿宛然發辨之義。近已爲人

專載娥如又敢爲大言此詞蓋以排問異已者其君之所以信而弗疑也

虞美人

玉鉤鸞柱調鶯鶯宛轉留春語
屏冷落畫堂空消晚春寒
無奈落花風
翠簾燕子雙飛去
拂鏡塵鸞舞不知
今夜月眉鬢誰佩
同心雙結倚闌干

清平樂

雨晴烟晚
汙水新池滿
雙燕飛來垂柳院
小閣畫簾高捲
黃昏獨倚朱闌
西南初月眉鬢砌下落
花風起羅衣特地春
寒

宋徽宗

燕山亭

見杏花作

裁剪冰綃輕疊數重
冷淡臙脂勻注
新樣靚妝豔溢香融
羞

殺蕊珠宮女易得凋零更多少無情風雨愁苦問院落淒涼
幾番春暮憑寄離恨重重道雙燕何曾會人言語天遙地
遠萬水千山知他故宮何處怎不思量除夢裏有時曾去無
據和夢也新來不做

晏同叔

殊

踏莎行

小徑紅稀芳郊綠遍高臺樹色陰陰見春風不解禁楊花濛
濛亂撲行人面翠葉藏鶯珠簾隔燕鑪香靜逐遊絲轉一
場愁夢酒醒時斜陽却照深深院此詞亦有所興其馱公蝶戀花之流乎

范希文

仲淹

蘇幕遮

碧雲天紅葉地秋色連波波上寒烟翠山映斜陽天接水芳
草無情更在斜陽外黯鄉魂追旅思夜夜除非好夢留人
睡明月樓高休獨倚酒入愁腸化作相思淚

此去國之情

晏叔原

幾道

○臨江仙

夢後樓臺高鎖酒醒簾幕低垂去年春恨却來時落花人獨
立微雨燕雙飛記得小蘋初見兩重心字羅衣琵琶絃上
說相思當時明月在曾照綵雲歸

韓玉汝

續

○芳草

鎖離愁連綿無際來時陌上初熏繡韁人念遠暗垂珠露泣

送征輪長行長在眼更重重遠水孤雲但望極樓高盡日目
斷王孫消魂池塘別後曾行處綠妒輕裙忘時携素手亂
花飛絮裏緩步香茵朱顏空自改向年年芳意長新遍綠野
嬉遊醉眼真負青春

歐陽永叔修

蝶戀花

庭院深深深幾許楊柳堆烟簾幕無重數玉勒雕鞍遊冶處
樓高不見章臺路雨橫風狂三月暮門掩黃昏無計留春
住淚眼問花花不語亂紅飛過秋千去庭院深深閨中既以
王又不察也章臺遊冶小人之徑雨橫風狂政令暴急也亂
紅飛去斥逐者非一人而已殆爲韓范作乎此詞亦見馮
延巳集中李易安詞序云歐陽公作蝶戀花有庭院深深深
幾許之句余謹愛之用其語作庭院深深數闋其聲卽舊詞

江仙也易安去歐公
未違其言必非無據

○臨江仙

柳外輕雷。池上雨。雨聲滴碎荷聲。小樓西角斷虹明。闌干倚處待得月華生。燕子飛來。窺畫棟。玉鈎垂下。簾旌涼波不動。簾紋平水精。雙枕傍有墮釵橫。

○張子野

先

○天仙子

水調數聲持酒聽。半睡醒來愁未醒。送春春去幾時回。臨晚鏡傷流景。往事悠悠空記省。沙上竝禽池上暝。雲破月來花弄影。重重翠幕密遮燈。風不定。人初靜。明日落紅應滿徑。

○木蘭花

乙卯吳興寒食

龍頭舴艋吳兒競。筈柱秋千遊女竝。
芳洲拾翠暮忘歸。秀野踏青來不定。
行雲去後遙山暝。已放笙歌池院靜。
中庭月色正清明。無數楊花過無影。

青門引

乍暖還輕冷。風雨晚來方定。庭軒寂寥近清明。
殘花中酒又。是去年病。樓頭畫角風吹醒。
八夜重門靜。那堪更被明月隔。
牆送過秋千影。

蘇子瞻
軾

賀新郎

乳燕飛華屋。悄無人。槐陰轉午晚涼。
新浴手弄生綃。白團扇。扇手一時似玉漸困。
倚孤眠。清熟簾外誰來推繡戶。枉教人。

夢斷瑤臺曲。文却是風敲竹。石榴半吐紅巾蹙。待浮花浪蕊都盡。件君幽獨。穠豔一枝細看。取芳意千重似束。又恐被秋風驚綠。若待得君來。向此花前對酒。不忍觸。共粉淚兩簌。

簌

水龍吟

和章質夫
楊花韻

似花還似非花也。無人惜。從教墜。拋家傍路。思量却似無情。有思繫。損柔腸。困酣嬌眼欲開。還閉。夢隨風萬里。尋郎去處。又還被鶯呼起。不恨此花飛盡。恨西園落紅難綴。曉來雨過。遺踪何在一。池萍碎。春色三分。二分塵土。一分流水。細看來。不是楊花點點。是離人淚。

洞仙歌自序云僕七歲時見眉州老尼姓朱忘其名年九十餘自言曾隨其師入蜀主孟昶宮中一日

大熱王與花蕊夫人夜起避暑摩訶池上作一詞朱具能誦之今四十年朱已死久矣人無知此詞者獨記其首兩句暇日尋味豈洞

仙歌令乎乃爲足之云

冰肌玉骨自清涼。無汗水殿風來暗香滿繡簾。開一點明月窺人人未寢。欹枕釵橫鬢亂。起來攜素手。庭戶無聲時見疏星度河漢。試問夜如何。夜已三更。金波澹玉繩。低轉但屈指西風幾時來。又不道流年暗中偷換。

卜算子

缺月挂疏桐。漏斷人初定。時有幽人獨往來。縹渺孤鴻影。驚起却回頭。有恨無人省。揀盡寒枝不肯棲。寂寞沙洲冷。東坡在黃州作飼陽居士云缺月刺明微也漏斷暗時也幽人不得志也獨往來無助也驚鴻賢人不安也回頭愛君不忘也無人省君不察也揀盡寒枝不肯棲不偷安于高位也寂寞沙洲冷非所安也此詞與考槃詩極相似

秦少游觀

望海潮

梅英疏濶冰澌溶洩東風暗換年華金谷俊遊銅駝巷陌晴細履平沙長記誤隨車正絮翻蝶舞芳思交加柳下桃蹊亂分春色到人家西園夜飲鳴笳有華燈礙月飛蓋妨花蘭苑未空行人漸老重來事事堪嗟烟暝酒旗斜但倚樓極目時見棲鴉無奈歸心暗隨流水到天涯

滿庭芳

山抹微雲天粘衰草畫角聲斷譙門暫停征棹聊共飲離尊多少蓬萊舊事空回首烟靄紛紛斜陽外寒鴉數點流水遶孤村消魂當此際香囊暗解羅帶輕分謾贏得青樓薄倖

名存此去何時見也襟袖上空惹啼痕傷情處高城望斷燈
火已黃昏

○前調

晚色雲開春隨人意驟雨方過還晴高臺芳樹飛燕蹴紅英
舞困榆錢自落秋千外綠水橋平東風裏朱門映柳低按小
秦箏多情行樂處珠幡翠蓋玉轡紅纓漸酒空金榼花困
蓬瀛豆蔻梢舊恨十年夢屈指堪驚憑闌久疏烟淡日寂
寞下蕉城

江城子

西城楊柳弄春柔動離憂淚難收猶記多情曾爲繫歸舟碧
瓦朱橋當日事人不見水空流韶華不爲少年留恨悠悠

幾時休飛絮落花時候一登樓便做春江都是淚流不盡許多愁

○踏莎行

郴州旅舍

霧失樓臺月迷津渡桃源望斷無尋處可堪孤館閉春寒杜鵑聲裏斜陽暮驛寄梅花魚傳尺素砌成此恨無重數郴江幸自遶郴山爲誰流下瀟湘去

○鷓鴣天

枝上流鶯和淚聞新啼痕閒舊啼痕一春魚鴈無消息千里關山勞夢魂無一語對芳尊安排腸斷到黃昏雨能炙得燈兒了雨打梨花深閉門

○海棠春

流鶯腮外啼聲巧。睡未足。把人驚覺翠被曉寒輕。寶篆沈烟裏。宿醒未解宮娥報道別院笙歌會早試問海棠花昨夜開多少。

減字木蘭花

天涯舊恨獨自淒涼人不問。欲見迴腸斷續熏鑪小篆香。
燕蛾長歛任是東風吹不展。困倚危樓過盡飛鴻字字愁。

浣溪沙

漠漠輕寒上小樓。曉鶯無賴似窮秋。淡烟流水畫屏幽。自
在飛花輕似夢。無邊絲雨細如愁。寶簾閒挂小銀鉤。

生查子

眉黛遠山長。新柳開青眼。樓閣斷霞明。羅幕春寒淺。梧嫌

玉漏遲燭厭金刀剪。月色忽飛來。花影和簾卷。

賀方回

鏘

青玉案

凌波不過橫塘路。但目送芳塵去。錦瑟年華誰與度。月臺花榭。瑣窓朱戶。唯有春知處。碧雲冉冉蘅皋暮。綠筆新題斷腸句。試問閒愁都幾許。一川烟草滿城風絮。梅子黃時雨。

趙德麟

合時

○ 錦堂春

樓上繁簾弱絮墻頭礙月低。花年年春事關心事。腸斷欲棲鴉。舞鏡鸞衾翠減。啼珠鳳蠟紅斜。重門不鎖相思夢。隨意遙天涯。

張芸叟

舜民

賣花聲

題岳陽樓

木葉下君山。空水漫漫十分斟。酒飲芳顏不是渭城西。去客休唱陽關。醉袖撫危闌。天淡雲閒。何人此路得生還。回首夕陽紅盡處。應是長安。

王元澤

秀

眼兒媚

楊柳絲絲弄輕柔。烟縷織成愁海棠。未雨梨花先雪。一半春休。而今往事難重省。歸夢遙秦樓。相思只在丁香枝上豆。癡梢頭。

詞選卷二

張惠言錄

周美成

邦彥

六醜薔薇謝
後作

正單衣試酒。悵客裏光陰虛擲。願春暫留。春歸如過翼。一去無迹。爲問家何。在夜來風雨葬楚宮。傾國釵鉢墜處。遺香澤亂點桃蹊。輕翻柳陌。多情更誰追惜。但蜂媒蝶使時。叩窻柄東園岑寂。漸漸蒙籠暗碧。靜遶珍叢底。成嘆息長條。故惹行客。似辜衣待話。別情無極。殘英小強簪巾幘。終不似一朶釵頭顛。裊向人欹側。漂流處。莫趁潮汐。恐斷紅尚有相思字。何由見得。

蘭陵王

柳

柳陰直。烟裏絲絲弄碧隋堤上。會見幾番拂水飄絲送行色。
登臨望故國。誰識京華倦客長亭路。年去歲來應折柔條過。
千尺。聞尋舊踪跡。又酒趁哀絃燈照離席。梨花榆火催寒食。
愁一剪風快半篙波暖。回首頭迢遞。便數驛望人在天北。
悽惻恨堆積。漸別浦繁迴津候。岑寂斜陽冉冉春無極。念月
榭攜手露橋聞笛沈思。前事似夢裏。淚暗滴。

花犯

梅花

粉牆低。梅花照眼。依然舊風味。露痕輕綴。疑淨洗鉛華。無限清麗。去年勝賞曾孤倚。冰盤共宴喜。更可惜。雪中高士香篝熏。素被。今年對花太匆匆。相逢似有恨。依依憔悴凝望久。

青苔上旋看飛墜。相將見脆圓薦酒人。正在空江烟浪裏。但
夢想一枝瀟洒黃昏斜照水。

8 少年遊

并刀如水吳鹽勝雪纖指破新橙錦幄初溫獸香不斷相對
坐調笙低聲問向誰行宿城上已三更馬滑霜濃不如休
去直是少人行

田不伐

○ 南柯子

夢怕愁時斷春從醉裏回淒涼懷抱向誰開些子清明時候
被鶯催柳外都成絮闌邊半是苔多情簾燕獨徘徊依舊
滿身花雨又歸來

團玉梅梢重雪羅菱扇低簾風不動蝶交飛一樣綠陰庭院
鎖斜暉對月懷歌扇因風念舞衣何須惆悵惜芳菲拚却
一年憔悴待春歸

陳子高

克

菩薩蠻

赤欄橋盡香街直籠街細柳嬌無力金碧上晴空花晴簾影
紅黃衫飛白馬日日青樓下醉眼不逢人午香吹暗塵此刺

時也

綠燕墻遶青苔院中庭日淡芭蕉卷蝴蝶上階飛風簾自在
垂玉鉤雙語燕竇此楊花轉幾處簸錢聲綠窗春夢輕此
寓

寓

李玉

賀新郎

篆縷消金鼎。醉沈沈。庭陰轉午。畫堂人靜。芳草王孫知何處。
唯有楊花。繆徑漸玉枕。騰騰春醒簾外殘紅。春已透。鎮無聊
帶酒厭。厭病雲鬟亂。未忺整。江南舊事休重省。遍天涯尋
消問。息斷鴻。難倩月滿西樓憑闌久。依舊歸期未定。又只恐
餅沈金井嘶騎不來。銀燭暗柱教人立盡梧桐影。誰伴我對
鸞鏡。

謝任伯

克家

憶君王

依依宮柳拂宮牆。樓殿無人春晝長。燕子歸來依舊忙。憶君

王月照黃昏人斷腸

朱希真

敦儒

好事近

漁父

搖首出紅塵。醉更無時節。生計綠蓑青笠。慣披霜衝雪。
晚來風定釣絲閒。上下是新月。半里水天一色。看孤鴻明滅。
漁父長身來。只共釣竿相識。隨意轉船回。櫂似飛空無迹。
蘆花開落任浮生。長醉是良策。昨夜一江風雨。都不會聽得。
撥轉釣魚船。江海儘爲吾宅。恰向洞庭沽酒。却錢塘橫笛。
醉顏禁冷更添紅。潮落下前磧。經過子陵灘。畔得梅花消息。
短棹釣魚船。江上晚烟籠碧塞。鴈海鷗分路。占江天秋色。
錦鱗潑刺滿藍魚。取酒價相敵。風順片帆歸去。有何人留得。

失却故山雲。索手指空爲客。尊菜鱸魚留我住。鴛鴦湖側。

偶然添酒舊葫蘆。小醉度朝夕。吹笛月波樓下。有何人相識。

辛幼安

棄疾

摸魚兒

淳熙己亥自湖北漕移湖南同官王正之置酒小山亭賦

更能消幾番風雨。匆匆春又歸去。惜春長怕花開早。何況落紅無數。春且住。見說道天涯芳草無歸路。怨春不語。算只有殷勤畫簷蛛網。盡日惹飛絮。長門事準擬佳期。又誤蛾眉曾有人妬。千金縱買相如賦。脈脈此情誰訴。君莫舞。君不見玉環飛燕皆塵土。閒愁最苦。休去倚危欄。斜陽正在烟柳斷腸處。鶴林玉露云詞意殊怨斜陽烟柳之句其與未須愁日暮天際乍輕陰者異矣聞壽王見此詞頗不悅然終不加罪也

賀新郎

別茂嘉十二弟

綠樹聽啼鳩。更那堪杜鵑聲住。鶗鴂聲切。啼到春歸無啼處。
苦恨芳菲都歇。算未抵人間離別。馬上琵琶闕塞黑。更長門翠輦辭金闕。看燕燕送歸妾。將軍百戰身名裂。向河梁回頭萬里。故人長絕易水蕭蕭。西風冷滿座。衣冠似雪。正壯士悲歌未徹。啼鳥還知如許。恨料不啼清淚長。啼血誰伴我醉明月。

茂嘉益以得罪謫徙故有是言

○前調賦琵

鳳尾龍香撥自開。元霓裳曲罷。幾番風月最苦。潯陽江頭客畫舸亭亭待發。記出塞黃雲堆雪。馬上離愁三萬里。望昭陽宮殿孤鴻沒。絃解語恨難說。遼陽驛使音塵絕。瑣窗寒輕

攏漫撚淚珠盈睫。推手含情還却手。一抹涼州哀徹。千古事
雲飛烟滅。賀老定場無消息。想沈香亭北繁華歇。彈到此爲
嗚咽。

永遇樂

京口北固亭懷古

千古江山英雄無覓。孫仲謀處。舞榭歌臺風流總被雨打風
吹去。斜陽草樹尋常巷陌人道寄奴曾住。想當年金戈鐵馬
氣吞萬里如虎。元嘉草草封狼居胥。意贏得倉皇北顧。四
十三年望中猶記。燈火揚州路可堪回首。佛狸祠下一片神
鴉社鼓憑誰問。廉頗老矣尚能飯否。

8 祝英臺近

寶釵分桃葉渡烟柳暗南浦怕上層樓子日九風雨斷腸點

點飛紅都無人管。更誰勸流鶯聲住。鬢邊覲試把花卜歸

期。才簪又重數羅帳。燈昏哽咽夢中語。是。他春帶愁來。春歸
何處。却不解帶將愁去。此與德祐太學生二詞用意相似點飛紅傷君子之弃流鶯惡小人得

志也。春帶愁來

其刺趙張平

菩薩蠻

書江西造口壁

鬱孤山下清江水中間。多少行人淚。西北是長安。可憐無數
山。青山遮不住。畢竟東流去。江晚正愁余。山深聞鷗鳴。鶴
玉露云。南渡之初。金人追隆祐太后御舟至造口。不及而還。幼安因此起興。鷗鳴之句。謂恢復行不得也。

張安國

孝祖

六州歌頭

長淮望斷。關塞莽然平。征塵暗。霜風勁。悄邊聲。黯銷凝。追想

當年事殆天數非人力洙泗上絃歌地亦羶腥隔水塢鄉落
目牛羊下區脫縱橫看名王胥獵騎火一川明笳鼓悲鳴遺
人驚念腰間箭匣中劔空埃蠹竟何成時易失心徒壯歲
將零渺神京干羽方懷遠靜烽燧且休兵冠蓋使紛馳駕若
爲情聞道中原遺老常南望翠葆霓旌使行人到此忠憤氣
填膺有淚如傾

韓元吉

六州歌頭

東風着意先上小桃枝紅粉膩嬌如醉倚朱扉記年時隱映
新妝面臨水岸春將半雲日暖斜陽轉夾城西草軟沙平驟
馬垂楊渡玉勒爭嘶認蛾眉凝笑臉薄拂胭脂繡戶曾窺恨

詩選 卷二
依依昔攜手處。杳如霧紅隨步。怨春遲。消瘦損。憑誰問。只
花知淚。空垂舊日堂前燕。和烟雨。又雙飛。人自老。春長好。夢
佳期。前度劉郎幾許。風流地也。自應悲。但茫茫暮靄。目斷武
陵溪。往事難追。

李知幾

石

○臨江仙

烟柳疏疏人悄悄。畫樓風外吹笙倚闌。聞喚小紅聲。熏香
欲睡玉漏已三更。坐待不來來又去。一方明月中庭粉牆。
東畔小橋橫起來。花影下扇子撲流螢。

姜堯章

夔

○揚州慢

淳熙丙申至日過揚州

淮左名都。竹西佳處。解鞍少駐。初程過。春風十里盡齊麥。青
青自胡馬窺江去。後廢池喬木猶厭言兵。漸黃昏清角吹寒
都在空城。杜郎俊賞算如今重到。須驚縱豆蔻詞工。青樓
夢好難賦。深情二十四橋仍在。波心蕩冷月無聲。念橋邊紅
藥年年知爲誰生。

暗香

石湖詠梅

舊時月色算幾番。照我梅邊吹笛喚起玉人。不管清寒與攀
摘。何遙而今漸老。都忘却春風詞筆。但怪得竹外疏花香冷。
入瑤席。江國正寂寂。歎寄與路遙。夜雪初積翠尊易泣。紅
萼無言耿相憶。長記曾攜手處。千樹壓西湖。寒碧文片片吹
盡也。漫時見得。題曰石湖詠梅此爲石湖作也時石湖蓋有隱遜之志故作此二詞以沮之白石石湖仙

云須信石湖仙似鵝黃飄然引去未云聞好語明年定在槐
府此與同意趙章言已嘗有用世之志今老無能但望之
也石湖

疏影 又

苦枝綴玉有翠禽小小枝上同宿客裏相逢離角黃昏無言
自倚修竹昭君不憒胡沙遠但暗憶江南江北想佩環月夜
歸來化作此花幽獨猶記深宮舊事那人正睡裏飛近蛾
綠莫似春風不管盈盈早與安排金屋還教一片隨波去又
却怨玉龍哀曲等恁時重覓幽香已入小牕橫幅此章更以二帝之橫

發之故有昭君之句

史邦卿達祖

雙雙燕

過春社了度簾幕中閒去年塵冷差池欲住試入舊巢相竝
還相雕梁藻井文軟語商量不定翩然快拂花梢翠尾分開
紅影芳徑芹泥雨潤愛貼地爭飛競誇輕俊紅樓歸晚看
足柳昏花暝應是樓香正穩便忘了天涯芳信愁損翠黛雙
蛾白日畫欄獨凭

尹惟曉

換

。 電裳序中弟一

茉莉

青顰粲素靄海國仙人偏耐熟餐盡風香露屑便萬里凌空
肯憑蓮葉盈盈步月悄似憐輕去瑤闕人何在憶渠癡小黠
點愛清絕愁絕舊遊輕別忍重看鎖香金篋淒涼清夜簟
茀杳杳詩魂真化風蝶冷香清到骨夢十里梅花霽雪歸來

也。慨。慨。心。事。自。共。素。娥。說。

王聖與

沂孫

眉嫵

新月

漸新痕懸柳淡彩穿花依約破初暝便有團圓意深深拜相
逢誰在香徑畫眉未穩料素娥猶帶離恨最堪愛一曲銀鉤
小寶奩掛秋冷千古盈虧休問歎謾磨玉斧難補金鏡太
液池猶在淒涼處何人重賦清景故山夜永試待他窺戶端
正看雲外山河還老桂花舊影碧山詠物諸篇竝有君國之憂此喜君有恢復之志而惜無賢臣也

齊天樂

蟬

一襟餘恨宮魂斷年年翠陰庭樹乍咽涼柯遠移暗葉重把

離愁深訴西窓過雨怪瑤佩流空玉箏調柱鏡暗妝殘爲誰
嬌貲尙如許銅仙鉛淚如洗歎移盤去遠難貯零露病翼
驚秋枯形閱世消得斜陽幾度餘音更苦甚獨抱清商頓成
淒楚謾想熏風柳絲千萬縷

8。高陽臺

此題應是梅花

殘雪庭除輕寒簾影霏霏玉管春葭小帖金泥不知春是誰
家柏思一夜憲前夢柰個人水隔天遮但淒然滿樹幽香滿
地橫斜江南自是離愁苦况游驄古道歸雁平沙怎得銀
箋殷勤與說年華如今處處生芳草縱凭高不見天涯更消
他幾度東風幾度飛花此傷君臣晏安不思國耻天下將亡也

8。慶清朝

榴花

玉局歌殘金陵句。絕年年負却熏風西。
鄰窈窕獨憐入戶飛紅前度綠陰載酒枝頭色。比似幫同何須擬。
蠟珠作帶綿綵成叢。誰在舊家殿閣自太真仙去。掃地春空朱旛護取如
今應誤花工。顛倒絳英滿徑想無車馬到山中。西風後尙餘數點還勝春濃。此言亂世尙有人才惜世不用也不知其何所指

張叔夏

炎

高陽臺

西湖春感

接葉巢鶯平波卷絮斷橋斜日歸船能幾番遊。看花又是明
年東風且伴薔薇住。到薔薇春已堪憐更淒然。萬綠西冷一
抹荒烟。當年燕子知何處。但苔深韋曲草暗斜川。見說新
愁如今也。到鷗邊無心再續笙歌夢掩重門。淺醉閒眠莫開。

簾怕見飛花怕聽啼鵑

黃德文

孝邁

○湘春夜月

近清明翠禽枝上銷魂。可惜一片清歌都付與黃昏。欲共柳
花低訴怕柳花輕薄。不解傷春。柰楚鄉旅宿柔情別緒誰與
溫存空尊夜泣。青山不語殘月當門。翠玉樓前唯是有一
波湘水搖蕩湘雲天長。夢短間甚時重見桃根。這次第算人
間沒個并刀剪斷心上愁痕。

吳彥高

漱

○青衫濕

感舊

南朝千古傷心地還唱後庭花。舊時王謝堂前燕子飛入人

家恍然在遇天姿勝雪宮鬢堆鴉江州司馬青衫淚濕同
是天涯

李易安

清照

○壺中天慢

蕭條庭院又斜風細雨重門須閉寵柳嬌花寒食近種種惱
人天氣險韻詩成扶頭酒醒別是閒滋味征鴻過盡萬千心
事難寄樓上幾日春寒簾垂四面玉闌干慵倚被冷香消
新夢覺不許愁人不起清露晨流新桐初引多少游春意日
高烟斂更看今日晴未

○聲聲慢

尋尋覓覓冷冷清清悽淒慘慘切切乍暖還寒時候最難將

息三杯兩盞淡酒怎敵他曉來風急鴈過也正傷心却是舊時相識 滿地黃花堆積憔悴損如今有誰堪摘守着窓兒獨自怎生得黑梧桐更兼細雨到黃昏點點滴滴這次第怎一個愁字了得

鳳凰臺上憶吹簫

香冷金猊被翻紅浪起來慵自梳頭住寶奩塵滿日上簾鉤生怕離懷別苦多少事欲說還休新來瘦非關病酒不是悲秋 休休這回去也千萬遍陽關也只難留念武陵人遠烟鎖秦樓唯有樓前流水應念我終日凝眸凝眸處從今又添一段新愁

醉花陰 九日

薄霧濃雲愁永晝。瑞腦銷金獸。佳節又重陽。玉枕紗厨半夜涼初透。東籬把酒黃昏後。有暗香盈袖。莫道不消魂。簾卷西風人似黃花瘦。

鄭文妻孫氏

8 憶秦娥

花深深一鉤羅。鞶行花陰行。花陰閒。將柳帶試結同心。日邊消息空沈沈。畫眉樓上愁登臨。愁登臨。海棠開後望到如今。

無名氏

綠意

荷葉

碧圓自潔向淺洲。遠浦亭亭清絕。猶有遺簪不展。秋心能卷。

幾多炎熱鴛鴦密語同傾盡且莫與浣紗人說怨歌忽斷花
風碎却翠雲千疊回首當年漢舞怕飛去謾綱留仙裙摺

戀戀青衫猶染枯香還笑鬢絲飄雪盤心清露如鉛水又一

夜西風聽折喜淨看匹練秋光倒瀉半湖明月

此傷君子負枉而死蓋似

李綱趙鼎之流回首當年漢舞云者言其自結主知不肯違引結語喜其已死而心得白也

詞選刻既成余謂張子詞學衰且數百年今世作者寧有其人耶張子爲言其友七人者曰惲子居丁若士錢黃山左仲甫李申耆陸祁生黃仲則各誦其詞數章曰此幾于古矣余以爲當今海內之士有能爲詞者不止此七人七人者之詞不止此數章然要以後世必傳此七人者之詞其有繼此而選者必不遺此數章則可知已矣因比而錄之益以張子之詞爲九家金子彥朝甫者學于張子爲詞有師法又次錄焉嗚呼諸君子之于古也則旣不謬矣余之所爲其不謬于諸君子否耶聊著數章以自考焉凡爲一卷附詞選之後歛鄭善長

善長

詞選

詞錄序

沈鄰書屋

竹眠詞一首

陽湖黃景仁字仲則

醜奴兒憮

日日登樓一換一番春色著似捲如流春日誰道遲遲一片
野風吹草草背白烟飛頰墻左側小桃放了沒箇人知嫣然一笑分
明記得三五年時是何人挑將竹淚粘上空枝請試低頭影兒憔悴浸深池此間是伊歸路莫惹相思

念宛齋詞二首

陽湖左輔字仲甫

南浦

夜尋琵琶亭

潯陽江上恰三更霜月共潮生斷岸高低向我漁火一星星
何處離聲刮起撥琵琶千載臘空亭是江湖倦客瓢零商婦
于此盪精靈且自移船相近遙回闌百折覓愁魂我是無

家張儉。萬里走江城。一例蒼茫弔古向。荻花楓葉又傷心。只琵琶響。斷魚龍寂寞。不會醒。

浪淘沙

曹溪驛折得桃花一枝數日零落裹花片投之涪江歌以送之

水軟櫓聲柔。草綠芳洲。桃花幾樹隱紅樓。若是春山魂一片。招入孤舟。鄉夢不曾休。惹甚閒愁。忠州過了又涪州。擲與巴江流。到海切莫回頭。

蒹塘詞六首

武進柳敬宇子居

阮郎歸

畫胡

粵亭天與宓妃腰。雌雄一樣描雙魂。如縷恐驚搖。曉來風露饒。吹乍散。玉人簫香叢影亂。飄游絲難畫。可憐朝粉痕看漸消。

少年白騎放騎愁踏青三月三歸來未到捉紅蠶化蛾真不
甘江橘葉一分含那防仙姬探雙雙鳳子出花籠蘭兒風
太酣

輕須薄翼不禁風敎花扶着儂一枝又逐月痕空都來幾日
中曾有伴去無踪蘭前種豆紅蜜官隊裏且從容問心同
不同

拗花人影過雙鬟玉釵飛上寒開簾瞥見轉鬱環放簾山外
山人去後影空闌花英分是單天風吹下亂紅間羅浮夢
未還

江南風暖草初齊花迷蝶不迷尋芳攬過海棠西簷前紅日
低三兩點向人飛林閒積漸稀莫隨柳絮涴香泥蝶歸花

不歸

心情不耐月兒青輸他深夜螢竹閒香霧幾曾停飛來三兩星穿繡檻度銀屏階前路慣經輕輕不礙護花鈴阿奴枝上聽

黃山詞七首

陽湖錢季重字季重

六醜

朱藤

正木綿乍試又砌石紛披花萼計春竟留盡蜂狂蝶惡亭午風弱屈指人何在小庭深處剩一枝天灼胭脂滿地餘香足亂擊銀箏輕調湘竹回頭已成依約聽風風雨雨春去無脚南園西閣王虎纏金鑰一十三年久香漠漠兔葵燕麥森東縱有人護惜也教錯愕濃陰密半來簾箔也不是當日匀

香暈粉珍珠絡索春雲裏細語叮囑恐飛紅吹到他邊去惹伊淚落

醜奴兒慢

蝶夢

悵花弔酒終日春魂如夢更良夜樓香未穩露重烟濃芳草天涯不會驚醒五更鐘怎生禁得一庭紅濕細雨濛濛忍記那年美人攜手小立花叢舉紈扇春衫輕撲惹得飛紅到了而今年華忽忽別匆匆相思兩字憑誰寄去夢裏郵筒

四園竹

蜂須蝶粉不住閑薔薇紅凝繡幕綠映窓紗做得春肥清晝長閒拄杖闌干獨倚眼前根觸相思草離離從茲綠到江南料無有缺些兒更想東風吹去開到鄉園舊日花枝知也

未甚。近日。香籌夢反稀。

鷓鴣天

落魄天南意未降。倦遊何處覓歸艘。幾時載酒携紅袖。終日焚香坐碧幢。尋杜若。採蘭茳。清愁怕見影雙雙。纔能吹得燈兒黑。明月無言又到窻。

文

策馬年年上板橋。微雲漠漠水迢迢。相思故欲拈红豆。清淚常彈到碧蕉。看蝶舞。聽鶯嬌。平生恨事最難消。梅花落後桃花落。芳草無情獨亂桃。

柏見歡

胡蝶

朝來設捲憲紗獨浴。嗟堪恨滿園春色又天涯。夫容好玉

孫老兩相誇。怎柰生時芳草死。時花

林閒多少嫣紅總成空。但識三眠楊柳廿番風。黃昏近春宵。冷意慳惥夢到誰家。深院邃聲中。

茗柯詞七首

武進張惠言字皋文

木蘭花慢

楊花

儘飄零盡了誰人解。當花看正風。避重簾雨迴深幕。雲護輕幡。尋他一春伴侶。只斷紅相識。夕陽閒未忍無聲。委地將沉重。又飛還疏狂。情性算淒涼。耐得到春闌。但月地和梅花。天伴雪。合稱清寒。收將十分春恨。做一天愁影。遙雲山看取。青青池畔淚痕點點凝斑。

水調歌頭

春日賦示
楊生子撰

東風無一事粧出萬重花閒來閱遍花影惟有月鉤斜我有
江南鐵笛要倚一枝香雪吹徹玉城霞清影渺卽飛絮滿
天涯飄然去吾與汝泛雲槎東皇一笑相語芳意落諸家
難道春花開落又是春風來去便了却韶華花外春來路芳
草不會遮

百年復幾許慷慨一何多子當爲我擊筑我爲子高歌招手
海邊鷗鳥着我胸中雲夢芥井近如何楚越等閒耳肝胆有
風波生平事天付與且婆娑幾人塵外相視一笑醉顏酡
看到浮雲過了又恐堂堂歲月一擲去如梭勸子且秉燭爲
駐好春過

珠簾捲春曉蝴蝶忽飛來游絲飛絮無緒亂點碧雲斂腸斷

江南春思粘著天涯殘夢臘有首重回銀杯且深押疏影任徘徊
羅帷卷明月入似人開一尊屬月起舞流影入誰懷
迎得一鉤月到送得三更月去鶯燕不相猜但莫凭闌久重露濕蒼苔

今日非昨日明日復何如竭來真悔何事不讀十年書爲問
東風吹老幾度楓江蘭徑千里轉平蕪寂寞斜陽外渺渺正
愁子千古意君知否只斯須名山料理身後也算古人愚
一夜庭前綠遍三月雨中紅透天地入吾盧容易衆芳歇莫
聽子規呼

長鐵白木柄斬破一庭寒三枝兩枝生綠位置小窻前要使
花顏四面和著草心千染向我十分妍何必蘭與菊生意總

詩題
欣然曉來風夜來雨晚來烟是他釀就春色又斷送流年
便欲誅茆江上只怕空林衰草憔悴不堪憐歌罷且更酌與
子遶花間

傳言玉女

多謝東風吹送故園春色低晴淺雨做清明時節昨夜花影
認得江南新月一枝枝漾春魂如雪却問東風怎都來共
闌寂繡屏綺陌有春人濃覓閒庭閉門揀鎖一絲愁絕夢兒
無柰又隨春出

立山詞七首

陽湖張琦字翰風

六醜

見夫容花作

長秋光漸老看點點霜花飄足庾郎正愁愁來無處著漫遶

籬落是處秋容好。岸邊深巷見數枝幽獨。雕闌深護珍珠絡。
困倚香雲斜欹暖玉相看。更燒銀燭恰清尊半醉。前事帳角。
蘭舟初泊記雙紅梳掠。坐對名花晚情莫莫。燈前細語蛾
綠。但回頭無奈別離成各西風繁更催。叢萼料得是一樣心
頭滋味減來還惡。髮愁處莫倚闌角看。一痕澹月微雲裏依
然是昨。

摸魚兒

漸黃昏楚魂愁斷。啼鵑早又相喚芳心欲寄天涯路。無柰水
遙山遠春過半。看絲影花痕。胥盡青苔院好春一片。只付與
輕狂蜂兒蝶子吹送。午塵暗關山客漫說歸期易算知他
多少淒怨不會真箇東風妬已。是燕殘鶯嬾春晚。怕花雨

言道
朝來一霎方塘滿嫣紅誰伴儘倚遍回闌暮雲過盡空有淚

如霰

南浦

驚回殘夢又起來清夜正三更花影一枝枝瘦明月滿中庭
道是江南綺陌却依然小閣倚銀屏悵海棠已老心期難問
何處望高城忍記當年懽聚到花時長此託春醒別恨而
今誰訴梁燕不會醒簾外依依香絮算東風吹到幾時停向
鴛衾無柰啼鵠又作斷腸聲

醜奴兒慢

乍晴又雨消得幾番花信正一片新苔似繡細草如茵蝴蝶
飛飛不曾認得綠羅裙淒涼庭院海棠一樹箇是殘春多

少冶遊鶯歌燕舞吹暗芳塵儘剩得斷紅零粉付與愁魂相對天涯輕寒漠漠又斜曛憑誰知道鷗鴟啼罷獨自黃昏

菩薩蠻

橫塘日日風吹雨隔簾却望江南路蝴蝶慣輕盈風前魂屢驚闌干人似玉簾影分窗綠斜日照屏山相思羅袖寒銅壺滴盡流蘇月紫靨漸過垂楊陌何處繫香車海棠三兩花門前波似鏡門裏參差影照眼綠羅裙畫橈開白蘋江花玉面嬌相逐香風乍送凌波曲曾見鬢髮低棹回情轉迷釵頭雙鳳翅照水胭脂淚碧藕折連絲夢輕君未知

蝴蝶詞五首

陽湖李光洛字申者

菩薩蠻

越羅掩欵無重數夫容和露撓香蕊。憲外曉雲嬾黛眉臨遠山尋花雙鳳子覓遍珍叢底花影限紅牆飄殘半縷香。

無端紫鳳嬌銜佩葳蕤不解香羅帶。染幕可憐宵漫春荳蔻梢金蟲閒未燼。慵倚屏山影倭墮綠雲斜未妨雙臉靉。畫眉樓畔花如霰疏香飛上參差兩翠羽暗低迷語長人未知金箋新研玉鉗局敲雙陸。漫袖錦鴛鴦經年繡一雙海棠低護行雲徑。畫樓西畔分明影不爲見時難忍扶羅袖看。撩人回面語顰峩釵翹舞花氣泛紅螺。橫飛出纓蛾簾前細裯沈烟紫隔簾柳絮飄香砌。蝶戀殘魂搖搖更不禁玉簫吹未徹垂手還凝立。不覺月痕西下簾霜滿衣。

宛芳樓詞三首

武進丁履恒字若士

綠意

鴈

暗蛩吟斷又遠空。嘹唳數行驚雁拋却梁州萬里雲。羅猶帶
塞聲。悽怨蘿浮夢醒君歸去那正好草明香暖怎知小別經
年却把鬢華輕換偏爲金商已逗怕飛雪來寄吳山湘岸
瘦影聯翩還喜攜羣小聚圓沙低暗和烟冷抱蓑葭宿早消
盡濃霜片片到東風吹入江南文向塞垣飛遠

高陽臺

燼落荷燈水沈蓮漏涼風已度輕褪庭院淒涼暗蛩鳴咽牆
根不如却下簾兒坐又敲愈亂葉紛紛任爐熏攬入新愁不
甚氤氳清宵本自多怊悵况征鴻信杳自斷行雲料得新
蟾如今也到重門無聲露濕羅衣薄恐斑斑不認啼痕倚黃

昏幾曲闌千幾度消魂

滿庭芳

北樓晚望

真霧沈山淡。烟籠渚。畫出一片秋空遠。林霜葉。緝染十分紅。
夢想來時陌上相將見。應誤春工知。何處水村山郭。淡蕩酒旗風。
多。幻。又。負。了。黃。花。香。晚。綠。醑。梧濃。算。難。將。心。事。訴。與。
歸鴻更向危闌閒倚。若波渺自斷孤篷。高城外。宛句雙水流。
向夕陽東。

清隣詞五首

陽湖陸繼格字祁生

南溪梅

胡蝶

雙雙粉翼出芳叢。趁殘紅。忽地分飛無奈。晚來風栖香誰與。
同天涯。何許。紲游踪。恨匆匆。遮莫花房曉露濕。真濛千回。

曲折通

簾前剛被扇兒驚。恁無情。一捻腰肢誰解惜。輕盈回身避乳鶯。春歸拚與殉殘英。可憐生薄命。難將絲筆更描卿。都疑剪紙成。

游絲不繫可憐身。竟誰隣。早又飛花和雨委。輕塵將魂付與春。羅浮仙侶怨輕分。怕黃昏待得清光。一院月如銀。無由更覓君。

一庭紅雨落難收。濕春眸。記取雙飛切莫傍簾鉤。有人簾內愁。歸期欲訂又還休。暫句留此去。知他能否更經秋。年華似水流。

輕軀瘦損不勝春。宿花城。一晌相逢雙影未分明。夢兒真不

真蜜宮樹底謾紛紛怎同羣欲倩呢喃燕子祝斜曛容伊活一生

蘭簃詞六首

紙金應璣字子彥

賀新涼

詠螢

芳草何曾歇。問王孫。一春游處。箇還相識。誤入紗囊。因何事一字神懶。不食算。只伴蟬魚岑寂。風雨黃昏。庭院黑照沈沈。蟻夢渾無迹。玉山路悔輕別。景華宮裏。音塵絕。悵秋風落陽古樹青燐堆血。白鳥如雷羞難盡。慘慘陰陵妖碧文。愁到清霜時節。小扇輕羅無人情。更銀屏翠幙深深隔。笑烟燭近牆隙。

湘春夜月

簾

鎖愁人。畫簾盡日低垂。一任蠻舞鶯歌都付與。斜暉無柰梁間燕子帶東風。一縷。幕地歸來。又深苔細草和將春思吹入。啼眉。屏山倦倚熏爐欲燼寶篆微微。且上銀鉤恰放得纖月影。斜捲花枝雕闌舊夢倩誰刪。萬縷相思算只是把雙扉依舊從教深押。莫問天涯。

前調

花影

捲簾旌惜花心事黃昏多謝一片流光恰挽住花魂一夜一分月色文一分花意催送芳春算都來做箇風前夢影烟裏愁痕佳人何處當時無奈淺笑輕顰竹外依依似彷彿傷心眉黛暗泣羅裙東風最惡向空枝搖蕩還頻便拚得教一年憔悴怕他暗裏老却春人。

水調歌頭

春色奈何許。芳逕萬重花。朝來怕說花事濃。艷正交加一片。
春山都。被多少愁魂鎖住。無處落。朝霞腸斷江南路。芳草夕
陽斜。凝望處。空回首。碧雲遮。知他風外飛絮。飄泊到誰家。
折得一枝紅萼。膾有暗香盈袖。何處贈。天涯愁絕。黛眉影寂
寞。倚窓紗。

臨江仙

篆縷厭厭人悄悄。敲鬟憐。倚銀屏。紅兒笑道月華明。海棠枝
上一半碧雲橫。坐待窺窓。憲正滿一身花影。亭亭隔牆。何
處又吹笙簾兒下了雙袖。悄寒生。

前調

花外啼鴟簾外燕夕陽容易黃昏絲絲篆縷是愁魂關千倚
遍幽恨共誰諭臘得柳梢明月上夜深還照重門厭厭心
事素娥聞也應怪得不是舊眉痕

竹隣詞七首欽金式玉字聊甫

六州歌頭

重帷深鎖玉漏正三更屏山暗金荷燼篆烟凝短長亭依約
年時路清溪曲垂楊畔朱門裏晶簾下月華明風外翹鬟掠
削搔頭玉隔住紅英把花枝斜睇雙臉淺霞生芳意盈盈更
忪惺憶郎不見眉翠薄鬢雲亂悄含情飛鴻遠空怊悵望
高城只星星飛絮天涯影風搖漾不曾停人瘦損花憔悴總
飄零愁煞東風輕別知何處粉袖銀箏怎禁他花外殘點一

詞林
聲聲好夢頻驚

南浦

秋燕

年年寄旅向天涯。底事又難留。幾度涼颼蕭瑟。倦羽不勝秋。
此去斜陽無數。怎拋他幽恨鎖重樓。算來年重到人還在否。
難問舊簾鉤。只爲雕梁春信。趁東風容易到。南州雨雨風。
風花事一度。一含愁譜盡。淒涼情緒再相逢。切莫話溫柔。只
憐伊瘦損。蘭干竟日自凝眸。

高陽臺

蝴蝶

乍暖簾櫳輕寒。庭院遊絲繫住春魂。一捻纖腰恰誰付與愁
痕。年時此地看花處。到花時一例傷神。怎消他幾度簾垂。幾
度香溫。斜陽回首江南。夢只浮雲似雪。流月如銀。一晌憐。

儂不教飄逐芳塵天涯處處吹香絮使相逢誰伴黃昏更禁他容易飛花容易殘春

更漏子

繡羅香
蟬鬢影瘦損怕看鸞鏡人意悄篆烟濃開簾燕子風
驚亂語愁無緒一霎枝頭紅雨歎易盡淚空垂春心花不知

相見歡

真珠一桁簾旌坐調笙夢裏不知芳草一池生蠻絃語紅兒舞總關情無柰枝頭啼鳥喚花醒

暗螢點向深苔去還來都是星星流影惹簾開夫容面輕羅扇撲盈懷不道一天清露濕香墮

言道

微雲度盡。憲納夜迢迢。又恐秋聲無賴上芭蕉。玉繩轉金
波暗可憐。宵只臘。棲香胡蝶抱空條。

字橋詞七首

歛鄭善長名掄元以字行

摸魚兒

送春

又廉纖滿庭花雨。榆錢難買。春住。春來誰占。風光好。牋有此
時愁苦。春也誤算。一捻嬌紅怎禁。東風妬。平蕪欲暮。正燕燕
鶯鶯輕狂。無奈寂寥掩朱戶。斜陽外。又向高樓凝竚天涯。
一樣飛絮。河橋倚馬。年時地。唯有垂楊千縷。春便去。縱留得
殘春也。只添愁緒。清樽餞汝。但索倩游。蜂抱儂。春恨一例負。
歸路。

綠意

蘋荷

芳塘曲處看翠雲憔悴收盡殘暑記得羅衣波上頻湔嬌鬢
一時相妬而今一片烟波冷只勝得雙雙鷗鷺知恁時越女
還來空憶採蓮前度眼底紅芳嫁盡但枯葦歷亂堪訴愁
苦卷向熏風坼向西風消受斜陽無數曉來清露憐儂甚正
無奈盤心非故只看他鉛淚難收洒向一池烟雨

湘春夜月

簾

一絲絲替儂織就相思只是一片湘波怎便隔天涯約住滿
庭花氣問東風可解吹送芳菲算驚回殘夢唯應燕子頻蹴
雙扉游絲千尺楊花萬點惱亂春暉庭院淒涼却憑得深
深爲我低護顰眉朝來欲捲怕暗塵點上羅衣從此便更休
論春事任教銀絲終日垂垂

南浦 秋燕

雕梁睡穩。文西風夜夜做秋聲。吹破栖香好夢。倦羽似頻驚。
醒醉幾番花月到。如今只合共淒清。怎舞衣不管。半蕪零落。
猶自趁身輕。誤却高樓凝竚。恨天涯消息不堪聽。屈指誰憐幽獨。箏柱一行平。怕是匆匆輕別。文憑他掠盡夕陽明。算消魂無奈有人凝恨傍簾旌。

高陽臺

柳

暮雨催眠。朝風催起。絲絰綰住春愁。依舊清明還。教伴我。登樓。平蕪一片斜陽影。問韶光。何處。句留。怎憑他。蕪盡流波送盡行舟。當年繫馬江南路。正歌臺月暗舞榭。烟稠纖手而今攀來可記溫柔懷心化作天涯絮。怕重來錯認簾鈎。便拚

他過了殘春文是殘秋。

前調 秋海棠

粉暈微撓脂痕淺印招來嬾嬾秋魂一樣紅粧偏教背却青
春相思無數深閨淚向西風染就愁痕有誰憐幾度凝嬌幾
度含颦江南昨夜霜花滿算蕭蕭蘭徑都付芳塵倚盡雕
闌殷勤誰伴黃昏斷腸臘得娉婷影歛嬌紅欲上羅裙又消
他漠漠輕烟漠漠斜曛。

甘州

漸香篝餘燼冷羅衾簾捲對秋陰悽夫容已老西風不管獨
自沈吟可惜斷紅雙臉只是淚痕深細憶遼陽夢恨殺蘭砧
十二闌干倚遍只霜花抱信文到疏林看亭皋落葉片片

言通

是秋心怕天涯。幾經搖落向雪關。風渡更難禁。怎倩得征鴻爲我寄與芳音。

廿五日

續詞選序

詞選之刻多有病其太嚴者擬續選而未果今夏外孫董毅子遠來署攜有錄本適憇我心爰序而刊之亦先兄之志也道光十年七月張琦

京都琉璃廠路南
文德齊史鴻德鑄

續詞選目錄

李太白一首 張子同一首 溫飛卿五首 皇甫子奇二首

右唐詞四家九首

後唐莊宗一首 章端已三首 薛昭蘊一首 毛熙震二首 李珣三首 馮正中三首

右五代詞六家十三首

晏同叔二首 范希文一首 歐陽永叔一首 王介甫一首 柳耆卿二首 蘇子瞻三首 秦少游八首 賀方回一首 章質夫一首 舒信道一首 趙德麟一首 劉巨濟一首 周美成七首 徐幹臣一首 陳子高三首 魯

逸仲一首 葉少蘊一首 陳去非一首 趙長卿一首

辛幼安二首 張安國一首 程正伯三首 劉潛夫一首

俞國寶一首 姜堯章七首 劉改之一首 楊炎一首

謝勉仲一首 陸子逸一首 高賓王一首 史邦卿三

首 方巨山一首 吳君特二首 蔣勝欲一首 周公謹

二首 王聖與四首 張叔夏二十三首 吳彥高一首

德祐太學生二首 李易安一首 朱淑真一首 徐君寶

妻一首

右宋詞四十二家一百二十二首

凡詞五十二家一百二十二首

續詞選卷一

陽湖董毅錄

李太白

自

憶秦娥

簫聲咽。秦娥夢斷秦樓月。秦樓月。年年柳色灞陵傷別。樂游原上清秋節。咸陽古道音塵絕。音塵絕。西風殘照漢家陵闕。

張子同

志和

漁歌子

西塞山前白鷺飛。桃花流水鱖魚肥。青蓑笠綠蓑衣斜風細雨不須歸。

溫飛卿

庭筠

歸國遙

香玉翠鳳寶紋垂衆縠錮筐交勝金粟越羅春水綠 畫堂
照簾殘燭夢餘更漏促謝娘無限心曲曉屏山斷續

雙臉小鳳戰篦金颺豔舞衣無力風斂藕絲秋色染 錦帳
繡幃斜掩露珠清曉簟粉心黃藥花鬢黛眉山兩點

酒泉子

楚女不歸樓枕小河春水月孤明風又起杏花稀 玉釵斜
參雲鬟重裙上鏤金雙鳳八行書千里夢雁南飛

訴衷情

鶯語花舞春晝午雨霏微金帶枕宮錦鳳凰帷柳弱燕交飛
依依遼陽音信稀夢中歸

88

河傳

湖上閒望雨瀟瀟烟浦花橋路遙謝娘翠蛾愁不銷終朝夢
魂迷晚潮蕩子天涯歸棹遠春已晚鶯語空腸斷若耶溪
溪水西柳堤不聞郎馬嘶

皇甫子奇

松

○○
夢江南

蘭燼落屏上暗紅蕉閒夢江南梅熟日夜船吹笛雨瀟瀟人
語驛邊橋

樓上痕殘月下簾旌夢見秣陵惆悵事桃花柳絮滿江城雙
髻坐吹笙

後唐莊宗

○憶仙姿

曾宴桃源深洞一曲舞鸞歌鳳長記別伊時和淚出門相送
如夢如夢殘月落花烟重

韋端已

莊

○歸國遙

金翡翠爲我南飛傳我意卷畫橋邊春水幾年花下醉別後
只知相愧淚珠難遠寄羅幙繡幃鶯被舊歡如夢裏

○應天長

綠槐影裏黃鸝語深院無人春晝午畫簾垂金鳳舞寂寞繡屏香一炷碧雲天無定處空有夢魂來去夜夜綠憇風雨
斷腸君信否

更漏子

鐘鼓寒樓閣暝月照古桐金井深院閉小庭空落花香露紅
烟柳重春霧薄燈背水窓高閣閒倚戶暗沾衣待郎郎不歸

薛昭蘊

謁金門

春滿院疊損羅衣金線睡覺水晶簾未卷簾前雙語燕斜
掩金鋪一扇滿地落花千片早是相思腸欲斷忍教頻夢見

毛熙震

臨江仙

幽閨欲曙聞鶯囀紅窓日影微明好風頻謝落花聲隔幃殘

燭猶照綺屏。簾繡被錦茵眠。玉暖炷香斜。裏烟輕淡。蛾羞
斂不勝情。暗思閒夢。何處逐雲行。

清平樂

春光欲暮。寂寞閒庭戶。粉蝶雙雙穿檻舞。簾卷晚天疏雨。
含愁獨倚闌。幕玉爐烟斷。香微正是銷魂時節。東風滿樹花飛。

李珣

菩薩蠻

迴塘風起波紋細。刺桐花裏門斜閉。殘日照不無雙雙。飛鷗
鵠。征帆何處客相見。還相隔。不語欲魂銷。望中烟水遙。
隔簾微雨飛。雙燕砌花零落紅深淺。捻得寶箏調心隨。征棹

遙 楚天雲外路。動便經年去。香斷畫屏深。舊歡何處尋。

○ 西溪子

金縷翠鈿浮動。妝罷小窓圓。夢自高時春已老。人未到。滿地落花。慵掃無語。倚屏風泣殘紅。

○ 馮正中

延巳

○ 羅敷艷歌

馬嘶人語春風岸。芳草綿綿楊柳橋。邊落日高樓酒旆懸。舊愁新恨知多少。目斷遙天獨立花前更聽笙歌滿畫船。小堂深靜無人到。滿院春風惆悵墻東。一樹櫻桃帶雨紅。愁心似醉兼如病。欲語還憇。日暮疏鐘雙燕歸來。畫閣中。

○ 喜遷鶯

宿鶯啼鄉夢斷春樹曉朦朧殘燈和爐閉朱櫳人語隔屏風
香已寒燈已絕忽憶去年離別石城花雨倚江樓波上木蘭舟

晏同叔殊

浣溪沙

玉枕冰寒滴露華粉融香雪透輕沙晚來妝面勝荷花鬢
蟬欲迎眉際月酒紅初上臉邊霞一場春夢日西斜

破陣子

燕子來時新社梨花落後清明池上碧苔三四點葉底黃鶯
一雨聲日長飛絮輕巧笑東鄰女伴采桑徑裏逢迎疑怪
昨宵春夢好元是今朝鬪草贏笑從雙臉生

范希文
仲淹

御街行

紛紛墜葉飄香砌。夜寂靜寒聲碎。真珠簾捲玉樓空。天澹銀河垂地。年年今夜月華如練。長是人千里。愁腸已斷無由醉。酒未到先成淚。殘燈明滅枕頭欹。諸盡孤眠滋味。都來此事眉閒。心上無計相迴避。

歐陽永叔

修

踏莎行

候館梅殘溪橋柳細草熏風暖。搖征轡離愁漸遠漸無窮。迢迢不斷如春水。寸寸柔腸盈盈粉淚。樓高莫近危欄倚。平蕪盡處是春山。行人更在春山外。

王介甫

安石

桂枝香

金陵懷古

登臨送目正故國晚秋天氣初肅千里澄江似練翠峰如簇
征帆去棹殘陽裏背西風酒旗斜颺練舟雲淡星河鶯起圖
畫難足念自昔豪華競逐歡門外樓頭悲恨相續千古憑
高對此謾嗟榮辱六朝舊事隨流水但寒烟衰草凝綠至今
商女時時猶唱後庭遺曲

柳耆卿

永

雨霖鈴

寒蟬淒切對長亭晚驟雨初歇都門帳飲無緒方留戀處蘭
舟催發執手相看淚眼竟無語凝咽念去去千里烟波暮靄

沈沈楚天濶。多情自古傷離別。更那堪冷落清秋節。今宵
酒醒何處。楊柳岸曉風殘月。此去經年。應是良辰好景虛設。
便總有千種風情。更與何人說。

八聲甘州

對蕭蕭暮雨灑江天。一。番。洗。清。秋。漸。霜。風。淒。緊。關。河。冷。落。殘。
照。當。樓。是。處。紅。衰。綠。減。苒。苒。物。華。休。惟。有。長。江。水。無。語。東。流。
不。忍。登。高。臨。遠。望。故。鄉。此。邈。歸。思。難。收。歎。年。來。踪。跡。何。事。
苦。淹。留。想。佳。人。收。樓。長。望。誤。幾。回。天。際。識。歸。舟。爭。知。我。倚。闌。
干。處。正。怨。凝。愁。

蘇子瞻軾

念奴嬌

赤壁懷古

大江東去浪淘盡千古風流人物故壘西邊人道是三國周郎赤壁亂石穿空驚濤拍岸捲起千堆雪江山如畫一時多少豪傑遙想公瑾當年小喬初嫁了雄姿英發羽扇綸巾談笑閒檣檣灰飛烟滅故國神遊多情應笑我早生華髮人生如夢一尊還酹江月

蝶戀花

春事闌珊芳草歇客裏風光又過清明節小院黃昏人憶別落花處處聞啼鴉咫尺江山分楚越自斷魂消應是音塵絕破夢五更心欲折角聲吹落梅花月

水調歌頭

明月幾時有把酒問青天不知天上宮闕今夕是何年我欲

乘風歸去。又恐瓊樓玉宇高處不勝寒。起舞弄清影。何似在人閒。

轉朱閣低綺戶。照無眠。不應有恨。何事偏向別時圓。人有悲歡離合。月有陰晴圓缺。此事古難全。但願人長久。千里共嬋娟。忠愛之言。惻然動人。神宗讀瓊樓玉宇。高處不勝寒之句。以爲終是愛君。宜矣。

秦少游

觀

如夢令

門外鴉啼楊柳。春色著人如酒。睡起熨沈香。玉腕不勝金斗。消瘦。消瘦。還是褪花時候。

遙夜月明如水。風緊。驛亭深閉。夢破鼠窺。燈霜送曉。寒侵被無寐。無寐。門外馬嘶人起。

幽夢匆匆破後。妝粉亂紅霑袖。遙想酒醒來。無奈玉銷花瘦。

回首回首遠岸夕陽疏柳

樓外殘陽紅滿春入柳條將半桃李不禁風回首落英無限
腸斷腸斷人與楚天俱遠

池上春歸何處滿目落花飛絮孤館悄無人夢斷月堤歸路
無緒無緒簾外五更風雨

鶯嘴啄花紅溜燕尾點波綠皺指冷月笙寒吹徹小梅春透
依舊依舊人與綠楊俱瘦

阮郎歸

滿天風雨破寒初燈殘庭院虛麗譙吹徹小單于迢迢清夜
徂鄉夢斷旅情孤崢嶸歲又除衡陽猶有雁傳書郴陽和

雁無

八六子

倚危亭恨如芳草萋萋。剗盡還生念柳外青驄別後水邊紅袂分時愴然暗驚。無端天與娉婷夜月一簾幽夢春風十里柔情怎奈向歡娛漸隨流水素絃聲斷翠綃香減那堪片片飛花弄晚濛濛殘雨籠晴正銷凝黃鸝又啼數聲。

賀方回

鑄

柳色黃

薄雨催寒斜照弄晴春意空濶長亭柳色纔黃遠客一枝先折烟橫水際映帶幾點歸鴨東風消盡龍沙雪違記出門時却而今時節將發盡樓芳酒紅淚清歌頓成輕別已是經年杳杳音塵都絕欲知方寸共有幾許清愁芭蕉不展丁香

結柱望斷天涯厭厭風月

章質夫

案

。水龍吟

柳花

燕忙鶯懶芳殘正堤上柳花飄墜輕飛亂舞點畫青林全無才思閒趁游絲靜臨深院日長門閉傍珠簾散漫垂垂欲下依前被風扶起蘭帳玉人睡覺怪春衣雪沾瓊綬綿牀漸滿香毬無數才圓却碎時見蜂兒仰粘輕粉魚吞池水望章臺路杳金鞍游蕩有盈盈淚

。舒信道

詞

。菩薩蠻

畫船撾鼓催君去高樓把酒留君住去住若爲情江頭潮欲

平江潮容易得，却是人南北。今日此尊空，知君何日同。

趙德麟令畤

蝶戀花

欲減羅衣寒未去，不卷珠簾人在深深處。殘杏枝頭花幾許，
啼紅止恨清明雨。盡日水沈香一縷，宿酒醒遲，惱破春情
緒。飛燕又將歸信誤，小屏風上西江路。

劉巨濟

清平樂

深沈院宇枕簟清，無暑睡起花陰初轉午。一霎飛雲過雨，
雨餘隱隱殘雷。夕陽却照庭槐，莫把珠簾垂下。妨他雙燕歸

來。

周美成 邦彥

○○ 滿庭芳

夏日漂水無想山作

風老鶯雛雨肥梅子。午陰嘉樹清圓地。翠山近衣潤費爐烟。
人靜鳥鳶自樂。小橋外新綠濺濺。凭欄久。黃蘆苦竹。擬泛九
江船。年年如社燕。飄流瀚海來寄修椽。且莫思身外長近
尊。前憔悴江南倦客。不堪聽急管繁絃。歌筵畔先安枕簟容。
我醉時眠。

○○ 玉樓春

桃溪不作從容住。秋藕絕來無續處。當時相候赤欄橋。今日
獨尋黃葉路。烟中列岫青無數。雁背夕陽紅欲暮。人如風
後入江雲。情似雨餘黏地絮。

○
尉遲梧

隋堤路漸日晚密鶲生深樹陰陰淡月籠沙還宿河橋深處
無情畫舸都不管烟波隔前浦等行人醉擁重衾載將離恨
歸去因思舊客京華長悵傍疏林小檻歡聚冶葉倡條俱
相識仍憇見珠歌翠舞如今向漁村水驛夜如歲焚香獨自
語有何人念我無聊夢魂凝想鴛侶

○
西河

金陵懷古

佳麗地南朝盛事誰記山圍故國繞清江鬢鬟對起怒濤寂
寞打孤城風檣遙度天際斷崖樹猶倒倚莫愁艇子曾繫
空餘舊迹鬱蒼蒼霧沈半壘夜深月過女牆來傷心東望淮
水酒旗戲鼓甚處市想依稀王謝鄰里燕子不知何世入

等嘗巷陌人家相對如說興亡斜陽裏

浪淘沙慢

曉陰重霜凋岸草霧隱城堞南陌脂車待發東門帳飲乍闌
正拂面垂楊堪攬結掩紅淚玉手親折念漢浦離鴻去何許
經時信音絕情切望中地遠天濶向露冷風清無人處耿
耿寒漏咽嗟萬事難忘惟是輕別翠樽未竭憑斷雲留取西
樓殘月羅帶光銷紋衾聲連環解舊香頓歇怨歌永瓊壺
敲盡缺恨春去不與人期弄夜色空餘滿地梨花雪

8夜飛鵠

河橋送人處良夜何其斜月遠墮餘輝銅盤燭淚已流盡霏
霏涼露沾衣相將散離會處採風前津鼓樹杪參旗花颸會

意縱揚鞭亦自行。遲迴路迴清野人語漸無間。空帶愁歸。何意重經前地。遺鉢不見斜徑都迷。免葵燕麥向斜陽。影與人齊。但徘徊班草歛歎酌酒極望天西。

解語花

元宵

風銷焰蠟露挹烘爐花市光相射。桂花流瓦纖雲散。耿耿素娥欲下衣裳淡雅。看楚女纖腰一把簫鼓喧。人影參差滿路飄香麝。因念帝城放夜。望千門如畫。嬉笑遊冶鉢車羅帕。相逢處自有暗塵隨馬。年光是也。惟只見舊情衰。謝清漏移飛蓋。歸來從舞休歌罷。

徐幹臣

仲

3
二郎神

悶來彈鵠又攬碎一簾花影謾試著春衫遺思纖手熏徹金猊爐冷動是愁端如何向但怪得新來多病嗟舊日沈腰而今潘鬢怎堪臨鏡重省別時淚漬羅襟猶凝料爲我厭厭日高慵起長託春醒未醒雁足不來馬蹄難去門掩一庭芳景空佇立盡日闌干倚遍畫長人靜

陳子高

克

○謁金門

愁脈脈自斷江南江北烟樹重重芳信隔小樓山幾尺細草孤雲斜日一晌弄晴天色簾外落花飛不得東風無氣力花滿院飛去飛來雙燕紅雨入簾寒不卷曉屏山六扇翠袖玉笙悽斷脈脈兩蛾愁綠消息不知郎近遠一春長夢見

柳絲碧柳下人家寒食鶯語匆匆花寂寂玉階春薛漫
燒熏籠無力心事有誰知得檀炷燒薰燈背壁畫簷殘雨滴

魯逸仲

南浦

風悲畫角聽單于三弄落譙門投宿驥驥征騎飛雪滿孤村
酒市漸闌燈火正破簾亂葉舞紛紛送數聲驚雁乍離烟水
嘹唳度寒雲好在半臘淡月到如今無處不銷魂故國梅
花歸夢愁損綠羅裙爲問暗香閒豔也相思萬點付啼痕算
翠屏應是兩眉餘恨倚黃昏

葉少蘊

夢得

○賀新郎

睡起啼鶯語掩蒼苔。房櫳向晚亂紅無數。吹盡殘花無人見。
惟有垂楊自舞。漸暝靄初回。輕暑寶扇重。尋明月影暗塵侵。
上有乘鸞女。驚舊恨。遠如許。江南夢斷。橫江渚。浪黏天。葡萄
張綠半空烟雨。無限樓前滄波意。誰採蘋花寄取。但悵望。
蘭舟容與。萬里雲颿。何時到。送孤鴻。目斷千山阻。誰爲我唱

金樓

陳去非

與義

○臨江仙

憶昔午橋橋上飲。坐中都是豪英。長溝流月去。無聲杏花疏。
影裏吹笛到天明。二十餘年成一夢。此身雖在塘驚閒。登
小閣眺新晴。古今多少事。漁唱起三更。

趙長卿

臨江仙

過盡征鴻來盡雁故園消息茫然一春憔悴有誰憐懷家寒
食夜中酒落花天見說江頭春浪渺殷勤欲送歸船別來
此處最繁牽短篷南浦雨疏柳斷橋烟

續詞選卷二

陽湖董毅錄

辛幼安

棄疾

念奴嬌

書東流
村壁

野塘花落又匆匆過了清明時節。剗地東風欺客夢。一枕雲
屏寒怯。曲岸持觴垂楊繫馬。此地曾經別。樓空人去舊遊飛。
燕能說。聞道綺陌東頭行人曾見簾底纖纖月。舊恨春江
流不盡。新恨雲山千疊。料得明朝尊前重見鏡裏花難折也。
應驚問近來多少華髮。

○ 滿江紅

敲碎離愁。紗窗外風搖翠竹。人去後吹簫聲斷。倚樓人獨滿
眼不堪。三月暮。舉頭已覺千山綠。但試把一紙寄來書。從頭

讀相思字空盈幅相思意何時足滴羅襟點點淚珠盈掬芳草不迷行客路垂楊只礙離人目最苦是立盡月黃昏闌干曲

張安國 孝祥

滿江紅

聽雨

斗帳高眠寒窓靜瀟瀟雨意南樓近更移三鼓漏傳一水點點不離楊柳外聲聲只在芭蕉裏也不管滴破故鄉心愁人耳無似有游絲細聚復散真珠碎天應分付與別離滋味破我一牀蝴蝶夢輸他雙枕鴛鴦睡向此際別有好思量人

千里

程正伯

垓

○摸魚兒

掩淒涼黃昏庭院角聲何處嗚咽矮窓曲屋風燈冷邊是苦
寒時節凝竚切念翠被薰籠夜夜成虛設倚窓愁絕聽鳳竹
聲中犀帷影外簌簌釀寒雪傷心處却憶當年輕別梅花
滿院初發吹香弄葉無人見惟有暮雲千疊情未徹又誰料
而今好夢分吳越不堪重說但記得當初重門鎖處猶有夜
深月

○卜算子

獨自上層樓樓外青山遠望到斜陽欲盡時不見西飛燕
獨自下層樓樓下蛩聲怨待到黃昏月上時依舊柔腸斷

○水龍吟

夜來風雨。匆匆故園定是花無幾。愁多怨極等閒孤負一年芳意。柳困桃慵杏青梅小。對人容易算好春長在。好花長見元只是人憔悴。回首池南舊事恨星星。不堪重記如今但有看花老眼傷時清淚不怕逢花瘦。只愁怕老來風味待繁紅亂處留雲借月也須揀醉。

劉潛夫

克莊

○沁園春

夢方孚若

何處相逢登寶釵。樓訪銅雀臺。喚厨人斫就東溟鯨鮆。圉人呈罷西極龍媒。天下英雄使君與。操餘子誰堪共酒杯。車千乘。載燕南代北劍客奇才。飲酣鼻息如雷。誰信被晨雞催喚回。歎年光過盡。功名未立。書生老矣機會方來。使李將軍。

遇高皇帝萬戶侯何足道或推衣起但淒涼感舊慷慨生哀

俞國寶

○風入松

一春長費買花錢。日日醉湖邊。玉驄慣識西湖路。驕嘶過沽酒樓前。紅杏香中歌舞綠楊影裏秋千。暖風十里麗人天。花壓鬢雲偏畫船。載得春歸去。餘情付湖水。湖烟明日重扶殘醉來尋陌上花鉗。

姜堯章夔

○一萼紅

人日登長沙定王臺

古城陰有官梅幾許。紅萼未宜簪。池面冰膠牆腰雪老。雲意還又沈沈翠藤共閒穿徑竹漸笑語驚起卧沙禽。野老林泉

故王臺榭呼喚登臨。南去北來何事。蕩湘雲楚水目極傷心。朱戶黏雞金盤簇燕。空歎時序侵尋。記曾共西樓雅集。想垂柳還裊萬絲金待得歸鞍。到時只怕春深。

長亭怨慢

自序云桓大司馬曰昔年移柳依依漢南今看搖落悽愴江潭樹猶如此人何以堪此語

余深愛之

漸吹盡枝頭香絮。是處人家綠深門戶。遠浦漿迴暮帆零亂。向何許。閱人多矣。誰得似長亭樹。樹若有情時。不會得青青如此。日暮望高城。不見只見亂山無數。韋郎去也。怎忘得玉環。分付第一是早早歸來。怕紅萼無人爲主。算只有并刀難剪離愁千縷。

齊天樂

蟋蟀

庾郎先自吟愁賦。淒淒更聞私語露。濕銅銷苦侵石井。都是
曾聽伊處哀音似訴。正思婦無眠起。等機杼曲曲屏山夜涼。
獨自甚情緒。西窓又吹暗雨。爲誰頻斷續。相和砧杵。候館
吟秋離官弔月。別有傷心。無數幽詩謾與笑籬落。呼燈世間
兒女寫入琴絲。一聲聲更苦。

念奴嬌

荷花

闌紅一舸記年時。常與鶯鶯爲侶。三十六陂人未到。水佩風
裳無數。翠葉吹涼玉容消酒更灑菰蒲雨。嫣然搖動冷香飛。
上詩句。日暮青葢亭亭。情人不見爭忍凌波去。只恐舞衣
寒易落。愁入西風南浦高柳垂陰老。魚吹浪留我花閒住。田
田多少幾回沙際歸路。

琵琶仙

吳興

雙槳來時有人似舊曲桃根桃葉歌扇輕約飛花蛾眉正奇絕春漸遠汀洲自綠更添了幾聲啼鴟十里揚州三生杜牧前事休說又還是宮燭分烟柰愁裏匆匆換時節都把一襟芳思與空階榆莢千萬縷藏鴉細柳爲玉尊起舞迴雪想見西出陽關故人初別

翠樓吟

武昌安
遠樓成

月冷龍沙塵清虎落今年漢酺初賜新翻胡部曲聽罇幕元戎歌吹層樓高峙看檻曲繁紅簷牙飛翠人姝麗粉香吹下夜寒風細此地宜有神仙擁素雲黃鸝與君游戲玉梯凝望久歎芳草萋萋千里天涯情味仗酒祓清愁花消英氣西

山外晚來還捲一簾秋霽

八歸

湖中送
胡德華

芳蓮墜粉疏桐吹綠庭院暗雨乍歇無端抱影銷魂處還見篠牆螢暗蘚階蛩切送客重尋西去路問水面琵琶誰撥最可憐一片江山總付與啼鶯長恨相從未款而今何事又對西風離別渚寒烟淡棹移人遠縹渺行舟如葉想文君望外倚竹愁生步羅襪歸來後翠尊雙飲下了珠簾玲瓏閒看月

月

劉改之

過

賀新郎

老去相如倦向文君說似而今怎生消遣衣袂京塵曾染處

空有香紅尚軟料。彼此魂消腸斷。一枕新涼眠客舍。聽梧桐疏雨秋風。顛燈暈冷記初見。樓低不放珠簾捲。晚妝殘翠蛾狼籍淚痕凝。臉人道愁來須殢酒。無奈愁深酒淺。但託意焦琴紈扇莫鼓琵琶。江上曲怕荻花楓葉俱淒怨。雲萬疊寸心遠。

楊炎

蝶戀花

稼軒坐間作首句用邱大書中語

檢點笙歌多釀酒。不放東風獨自迷楊柳。院院翠陰停永晝。曲闌隨處堪垂手。昨日解醒今夕又。消得情懷長被春傭憊。門外馬嘶人去後。亂紅不管花消瘦。

謝勉仲懋

8

浪淘沙

黃道雨初乾。麝靄空蟠。東風楊柳碧。絳燕子不歸。花有恨。
小院春寒。倦客亦何堪。塵滿征衫。明朝野水幾重山。歸夢已隨芳草綠。先到江南。

陸子逸

淞

瑞鶴仙

臉霞紅印枕。睡起來冠兒猶是不整。屏閒麝煤冷。但眉山壓翠。淚珠彈粉堂。深畫永燕交飛。風簾露井悵無人與說。相思近日帶圍寬盡。重省殘燈朱幌。淡月疏窗。那時風景。陽臺路迥。雲雨夢便無準。待歸來先指花梢教看。却把心期細問。問因循過了青春怎生意。穩刺時之言。

高賓王 觀國

菩薩蠻

春風吹綠湖邊草。春光依舊湖邊道。玉勒錦障泥。少年遊。古時烟明花似繡。且醉旗亭酒。斜日照花西。歸鴉花外啼。

史邦卿

達祖

綺羅香

春雨

做冷欺花將。烟因柳千里偷催春暮盡。日冥迷愁裏。欲飛還住。驚粉重。蝶宿西園喜。泥潤燕歸南浦最妨他佳約。風流鉏車不到杜陵路。沈沈江上望極還被春潮晚。急難尋官渡隱約遙峰和淚謝娘眉嫵臨。斷岸新綠生。時是落紅帶愁流處記當日門掩梨花剪燈深夜語。

萬年歡

雨袖梅風謝橋邊。岸痕猶帶陰雪。過了匆匆燈市草根青。發
燕子春愁未醒。誤幾處芳音。遼絕烟溪上。采蘋人歸定應愁。
沁花骨。非千厚情易歇。奈燕臺句老難道。離別小徑吹衣。
曾記故里風物。多少驚心舊事。第一是侵堦羅襪。如今但柳
髮晞春夜來。和露梳月。

東風第一枝

立春

草脚愁回花心夢醒。鞭香拂散牛土舊歌空憶。珠簾綵筆倦
題繡戶粘雞貼燕。想占斷東風來處。暗惹起一掬相思亂藏
翠盤紅纓。今夜覓夢池秀句。明日動採花芳緒。寄聲沽酒
人家。款約嬉遊伴侶。憐他梅柳怎忍。後天街酥雨待過了一

月燈期日醉扶歸去

方巨山

岳

水調歌頭

平山堂用東坡韻

秋雨一何碧。山色倚晴空。江南江北愁思。付酒螺紅蘆葉篷。舟千里。菰菜蓴羹。一夢無語。寄歸鴻。醉眼渺河洛。遺恨夕陽中。蘋洲外。山欲暝。斂眉峯。人閒俯仰陳迹。歎息兩仙翁。不見當年楊柳。只是從前烟雨。磨滅幾英雄。天地一孤嘯。匹馬又西風。

吳君特

文英

唐多令

何處合成愁。離人心上秋。縱芭蕉不雨也颼颼。都道晚涼天。

8

氣好有明月怕登樓。年事夢中休。花空烟水流。燕辭歸客

尙淹留。垂柳不繁裙。帶住謾長是繁行舟。

憶舊游

別黃澹翁

送人猶未苦。苦送春隨人去。天涯片紅都飛盡。陰陰潤綠暗裏啼鴉。賦情頓雪雙鬢飛。夢逐塵沙歎病渴。淒涼分香瘦減。兩地看花。西湖斷橋路。想繫馬垂楊依舊。欹斜葵麥迷烟處。問離巢孤燕。飛過誰家故人爲寫深怨。空壁掃秋蛇。但醉上吳臺。殘陽草色歸思賒。

將勝欲

提

○賀新郎

夢冷黃金屋。歎秦箏。斜鴻陣裏素絃塵。撲化作嬌鶯。飛歸去。

猶認紗窻舊綠正過雨荆桃如菽此恨難平君知否似瓊臺
湧起彈碁局消瘦影嫌明燭鴛樓碎瀉東西玉問芳踪何
時再展翠釵難卜待把官眉橫雲樣描上生綃畫幅怕不是
新來妝束綵扇紅牙今都在恨無人解聽開元曲空掩袖倚

寒竹

周公謹密

疏影 梅影

冰條凍葉文橫斜照水一花初發素壁秋屏招得芳魂彷彿
玉容明減疏疏滿地珊瑚冷全誤却撲花幽蝶甚美人忽到
窓前鏡裏好春難折閒想孤山舊事浸清漪倒映千樹殘
雪暗裏東風可憐無情攢碎一簾香月輕妝誰寫崔徽面認

隱約烟綃重疊記夢回紙帳殘燈瘦倚數枝清絕。

鷓鴣天

清明

燕子時時度翠簾柳寒猶未透香棉落花門巷家家雨新火
樓臺處處烟情默默恨懨懨東風吹動畫秋千刺桐開盡
鶯聲老無奈春風祇醉眠

王聖與

沂孫

南浦春水

柳下碧粼粼認麌塵乍生色嫩如染清溜滿銀塘東風細參
差縠紋初過別君南浦翠眉曾照波痕淺再來漲綠迷舊處
添却殘紅幾片蒲萄過雨新痕正拍拍輕鷗翩翩小燕簾
影蘸樓陰芳流去應有淚珠千點滄浪一舸斷魂重唱蘋花

怨采香幽徑鶯鶯睡誰道湔裙人遠

水龍吟

落葉

曉霜初著青林。望中故國淒涼早。蕭蕭漸積。紛紛猶墜。門荒
逕。悄渭水風生。洞庭波起。幾番秋杪。想重崖半沒。千峯盡出。
山中路無人到。前度題紅杳杳。迴宮溝暗。流空遠啼。蠻未
歇。飛鴻欲過。此時懷抱。亂影翻簷。碎聲敲砌。愁人多少。望吾
廬甚處。只應今夜滿庭誰掃。

8

齊天樂

螢

碧痕初化池塘草熒熒。野光相趁。扇薄星流盤明露滴。零落
秋原。飛鱗練裳。暗近記穿柳。生涼度荷分暝。誤我殘編翠囊。
空歎夢無準。樓陰時過數點。倚欄人未睡。曾賦幽恨。漢苑。
空歎夢無準。

飄苔秦陵墜葉千古淒涼不盡。何人爲省但隔水餘輝傍林
殘影已覺蕭疏更堪秋夜永。

瑣窗寒

趁酒梨花催詩柳絮一窓春怨疏疏過雨洗盡滿階芳片數。
東風二十四番幾番誤了西園宴。認小簾朱戶不如飛去舊。
巢雙燕。曾見雙蛾淺自別後多應黛痕不展撲蝶花陰怕。
看題詩團扇試憑他流水寄情遙紅不到春更遠但無聊病。
酒厭厭夜月茶繚院。

張叔夏

炎

南浦

春水

波暖綠粼粼燕飛來好是蘇堤纏曉魚沒浪浪圓流紅去翻

笑東風難捄。荒橋斷浦。柳陰撐出扁舟。小回首。池塘青欲遍。
絕是夢中芳草。和雲流出空山。甚年年淨洗花香不了。新
綠乍生時。孤村路。猶憶那回曾到。餘情渺渺。茂林觴詠如今。
惜前度劉郎從去後。溪上碧桃多少。

憶舊遊

大都長春宮卽
舊之太極宮也

看方壺擁翠。太極垂光。積雪初晴。聞闕開黃道。正綠章封事。
飛上層青古臺。半壓琪樹引袖拂寒星。見玉冷閒坡。金明邃
宇。人住深清幽。等自來去對。華表千年天籟無聲。別有長
生路。看花開花落。何處無春露。臺深鎖丹氣。隔水喚青禽。尙
記得歸時鶴衣散。影都是雲。

壺中天

夜渡古黃河與沈堯道曾子敬同賦

揚船萬里笑當年底事中分南北須信平生無夢到却向而
今遊厯老柳官河斜陽古道風定波猶直野人驚間泛槎何
處狂客迎面綠葉蕭蕭水流沙共遠都無行跡衰草淒迷
秋更綠惟有閒鷗獨立浪挾天浮山邀雲去銀浦橫空碧扣

舷歌斷海蟾飛上孤白

臺城路

庚辰秋九月之北遇
汪菊坡因賦此詞

十年前事翻疑夢重逢可憐俱老水國春空山城歲晚無語
相看一笑荷衣換了任京洛塵沙冷凝風帽見說吟情近來
不到謝池草懶遊曾步翠窮亂紅迷紫曲芳意多少舞扇
招香歌橈喚玉猶憶錢塘蘇小無端暗惱又幾度留連燕昏
鶯曉回首妝樓甚時重去好

甘州錢沈堯道并
寄趙學舟

記玉闌踏雪事清遊。寒氣脆。貂裘傍枯林。古道長河飲馬此。
意悠悠短夢依。然江表老淚灑西州。一字無題處。落葉都愁。
載取白雲歸去問。誰留楚佩弄影中洲折蘆花贈遠零落。
一身秋向等常野。橋流水待招來。不是舊沙鷗空懷感。有斜。
陽處却怕登樓。自注云庚寅歲沈堯道同余北歸各處杭越踰歲堯道來問寂寞語笑數日又復別去因賦此

掃花遊

賦高疏齋東墅園

烟霞萬壑記曲徑。幽尋縫痕初曉綠。憲窮窺看垂花石。就泉通沼。幾日不來一片蒼雲未掃。自長嘯。悽喬木荒涼都是殘照碧天秋浩渺。聽虛籟泠泠飛下孤峭山空翠。老步仙。

風怕有采芝人。到野色閒門芳草。不除更好境深悄比斜川。
又清多少。

渡江雲

山陰久客一再逢春
回憶西杭渺然愁思

山空天入海。倚樓望極。風急暮潮初。一簾鳩外雨。幾處閒田隔。水動春鉅。新烟禁柳。想如今緣到西湖。猶記得當年深隱門掩雨三株。愁余荒洲古。激斷梗疏萍。更漂流。何處空自覺。園羞帶減影。怯燈孤。常疑卽見桃花面。甚近來。翻笑無書。書縱遠。如何夢也。都無。

瑣窗寒

旅窓孤寂雨意垂垂買舟西渡未
能也賦此爲錢塘故人韓竹閒問

亂雨敲春深。烟帶晚水窓。慵凭空簾。漫捲數日。更無花影。怕依然舊時歸燕。定應未識江南冷。最憐他樹底嫣紅不語。背

人吹盡。清潤通幽徑。待移燈煎韭。試香溫鼎。分明醉裏過了。幾番風信。想竹間高閣半閒。小車未來。猶自等傍新晴隔柳。呼船待教潮信穩。

8 解連環

孤雁

楚江空晚。悵離羣萬里。恍然驚散。自顧影。欲下寒塘。正沙淨草枯。水平天遠。寫不成書。只寄得相思一點。歎因循誤了殘鶴。擁雪故人心眼。誰憐旅愁。在再謾長門夜。悄錦箏彈怨想。伴侶猶宿蘆花。也曾念春前去程。應轉暮雨。相呼怕驚地玉關。重見未羞他雙燕歸來。畫簾半捲。

憶舊遊

登蓬萊閣

問蓬萊何處。風月依然。萬里江清。休說神仙事。便神仙縱有

卽是閒人笑我幾番醒醉石磴掃松陰任狂客難招采芳誰贈且自微吟俯仰成陳迹嘆百年誰在闌檻孤憑海日生殘夜看卧龍和夢飛入秋冥還聽水聲東去山冷不生雲正日極空寒蕭蕭漢柏愁茂陵

月下笛

孤遊萬竹山中閒門落葉愁思黯然因動黍離之感時寓甬東積翠山舍

萬里孤雲清遊漸遠故人何處寒窓夢裏猶記經行舊時路連昌約暑無多柳第一是難聽夜雨謾驚回淒悄相看竹影擁衾誰語張緒歸何暮半零落依依斷橋鷗鷺天涯倦旅此時心事良苦只愁重灑西州淚問杜曲人家在否正翠袖天寒又倚梅花那樹

綺羅香

紅葉

萬里飛霜半山落木寒。豔不招春，妒楓冷吳江。獨客又吟愁，句正船艤。流水孤村似花纏，斜陽芳樹甚荒溝。一片淒涼載，情不去。載愁去。長安誰問，倦旅羞見衰顏。借酒飄零如許，謾倚新妝。不入洛陽花譜，爲回風起舞樽前。盡化作斷霞千縷，記陰陰綠遍江南夜。窻聽暗雨。

疏影 梅影

黃昏片月似滿地，碎陰還更清絕。枝北枝南疑有疑，無幾度，背燈難折。依稀倩女離魂處，緩步出前村。時節看夜深，竹外橫斜，應妒過雲明滅。窺鏡蛾眉淡，掃爲容不在貌。獨抱孤潔，莫是花光描取春痕。不怕麗譙吹徹，還驚海上燃犀去。照水底珊瑚，疑活做，弄得酒醒天寒，空對一庭香雪。

梅子黃時雨

病後別羅江諸友

流水孤村愛塵事。頓消來訪深隱向醉裏。誰扶滿身花影。鷗鷺相看如廻近來不是傷春病。嗟流景。竹外野橋猶繫烟艇。
誰引斜川歸興便。啼鵑縱少無奈時聽待棹擊空明。烟波千頃彈到琵琶留不住。最愁人是黃昏近江風緊。一行柳陰吹暝。

渡江雲

懷歸

江山居未定。貂裘已敝。空自帶愁歸。亂花流水外。訪里尋鄰都是可憐時。橋邊燕子似軟語。斜日江蘚休問我如今心事錯。認鏡中誰還思新烟驚換舊雨難招倣不成春意。渾未省。誰家芳草猶夢吟詩。一株古柳觀魚港。傍清深足可幽棲。

閒趣好白鷗尙識天臘

慶清朝

韓亦顏歸隱兩水之廟于從之遊散懷吟
眺一任所適太白去後三百年無此樂也

淺草猶霑融泥未燕晴梢潤葉初乾閒扶短策鄰家小聚清
歡錯認離根是雪梅花過了一番寒風還峭較遲芳信却是
春殘此境此時此意待攜琴獨去石冷慵彈飄飄爽氣飛
鳥相與俱還醉裏不知何處好詩盡在夕陽山山深杳更無
人到流水花閒

○探春慢

雪齋

銀浦流雲綠房迎曉一抹牆腰月淡煖玉生烟懸冰解凍碎
滴瑤階如霰纔放些晴意早瘦了梅花一半也知不做花看
東風何事吹散搖落似成秋苑甚釀得春來怕教春見野

渡舟回前村門掩應是不勝清怨次第尋芳去灞橋外蕙香
波煖猶如簷聲看燈人在深院

○渡江雲

次趙元父韻

錦香繚繞地深燈挂壁簾影浪花斜酒船歸去後轉首河橋
那處認紋紗重盟鏡約還記得前度秦嘉惟只有葉題堪寄
流不到天涯驚嗟十年心事幾出闌干想蕭娘聲價閒過
了黃昏時候疏柳啼鴉浦潮夜湧平沙白問斷鴻知落誰家
書又遠空江片月蘆花

臺城路

送周方山遊吳

朗吟未了西湖酒驚心又歌南浦折柳宮橋呼船野渡還憶
五湖風雨漂流最苦況如此江山此時情緒怕有鴟奄笑人

何事載詩去，荒臺祇今在否。登臨休望遠，都是愁處。暗草埋沙明，波洗月誰念。天涯羈旅荷，陰未暑快料理。歸程再盟鷗鷺只恐空山近，來無杜宇。

○長亭怨

舊居有感

望花外小橋流水門巷愔愔玉簫聲絕鶴去臺空珮環何處弄明月十年前事愁千折心情頓別露粉風香誰爲主都成消歇淒咽曉窓分袂處同把帶鴛親結江空歲晚便忘了尊前曾說恨西風不此寒蟬便掃盡一林殘葉謝他楊柳多情還有綠陰時節

○甘州

寄李筠房

望娟娟一水隱芙蓉幾被暮雲遮正憑高送目西風斷雁殘

月平沙未覺丹楓盡老搖落已堪嗟。無避秋聲處，愁滿天涯。
一自盟鷗別後，甚酒瓢詩錦輕。誤年華、料荷衣初煖不忍
負。烟霞記前度，剪燈一笑再相逢。知在那人家空山遠，白雲

休贈只贈梅花。

憶舊遊

寄友

記墮窯卜夜錦櫨移春向。惱鶯嬌暗水流花徑。正無風院落
銀燭遲銷閑。枝淺壓鬢髻香。臉泛紅潮甚。如此心情還將樂。
事輕趁冰消。飄零又成夢。但長歌嫋嫋柳色迢迢。一葉江
心冷。望美人不見。隔浦難招。認得舊時鷗鷺重。過月明橋迥。
萬里天風清。聲謾憶。何處鷺。末句鷺字疑衍此調各家皆同玉田諸作亦無異非別有

一體

可如

聲聲慢

寄葉書隱

百花洲畔十里湖邊沙鷗未許盟寒舊隱琴書猶記渭水長
安蒼雲數千萬疊却依然一笑人閒似夢裏對清尊白髮秉
燭更闌渺渺烟波無際喚扁舟欲去且與憑闌此別何如
能消幾度陽關江南又聽夜雨怕梅花零落孤山歸最好甚
閒人猶自未閒

吳彥高

激

春從天上来

自序云會寧府遇老嫗善鼓瑟自言梨園舊籍因感賦此

海角飄零歎漠苑秦宮墜露飛螢夢回天上金屋銀屏歌吹
競舉青冥問當時遺譜有絕藝鼓瑟湘靈促哀彈似林鶯嚙
嚙山溜泠泠梨園太平樂府醉幾度春風鬢髮星星舞繖

中原塵飛滄海風雪萬里龍庭寫胡笳幽怨人憔悴不似丹青酒微醒對一軒涼月燈火青熒

德祐太學生

8 百字令

德祐
乙亥

半堤花雨對芳辰消遣無奈情緒春色尙堪描畫在萬紫千紅塵土鶻促歸期鶯收依舌燕作留人語遶欄紅藥韶華留此孤主真箇恨殺東風幾番過了不似今番苦樂事賞心磨滅盡忽見飛書傳羽湖水湖烟峰南峰北總是堪傷處新塘楊柳小腰猶是歌舞見湖海新聞三四謂衆宮女行五謂八九謂只陳宜中在東風謂賈似道飛書傳羽北軍至也新塘楊柳謂賈妾

8 祝英臺近

德祐
乙亥

倚危欄斜日暮。鶯鶯甚情緒。輝柳嬌黃全未禁。風雨春江萬里。雲濤扁舟飛渡。那更聽塞鴻無數。歎離阻有恨流落天涯。

誰念泣孤旅。滿目風塵冉冉如飛霧。是何人惹愁來。那人何處。怎知道愁來不去。程柳謂幼君嬌黃謂太后扁舟飛渡

謂北軍至塞鴻指流民也。人惹愁來

謂賈出那人
何處謂賈去

李易安

清照

○賣花聲

簾外五更風吹夢無踪。畫樓重上與誰同。記得玉釵斜撥火寶篆成空。回首紫金峰。雨潤烟濃。一江春浪醉醒中。留得羅襟前日淚。彈與征鴻。

朱淑真

謁金門

春已半。觸自此情無限。十二闌干閒倚漏。愁來天不管。好是風和日暖。輸與鶯鶯燕燕。滿院落花簾不卷。斷腸芳草遠。

徐君寶妻

○ 滿庭芳

漢上繁華。江南人物尙遺宣政。風流綠窓朱戶。十里爛銀鉤。一旦刀兵齊舉。旌旗擁百萬貔貅。長驅入歌樓舞榭。風捲落花愁。清平三百載。典章人物掃地都休。幸此身未北。猶客南州。破鑪徐郎。何在空惆悵。相見無由。從今後。斷魂千里。夜岳陽樓。徐君寶妻岳州人被掠至杭其主者數欲犯之輒者許諾乃焚香再拜死

題詞壁上投池中